

汲古堂集序



大泌山人李維禎撰

今山人稱詩者在所不之予或不
識其人即識其人或故為博士第
子貧與入太學上舍於山人名義
不類而交游中若吳人王承父葉
茂長曹子念方仲美俞羨長皆布

永崛起無所因藉稱山人殊當而
又皆善詩以為吳多才天下寡二
晚而得永嘉何无咎无咎之為山
人與五君同而其詩詅宥爽暢追
琢藻贍奄有五君之勝而成一家
言予讀之累日而甫卒業乃大歎
嗟曰子越人何子之待之似越也

方越之栖於會稽至迫院矣而卒
能沼吳而有之子之身願中人耳
濱於東海之陂而蠲黽之與同階
擗然起而與吳作者爭雄其英槩
同也吳十年生聚十年教訓田野
闢府倉實居有三年之食而後能
舉事子上下古今三百篇之溫厚

和平離騷之悽惻篤至兩京之渾
朴建安之高華六朝之工麗唐人
之秀朗靡不饜餒而枕藉之於以
費之觚翰銳若干將豔若館娃環
異若金閭殷賑若長洲之苑峻拔
浩瀚若洞庭太湖之高深其蓄積
同也越蚤朝晏罷卧薪嘗膽填左

闔以土側席坐而不掃其趨時猶
救火追亡人蹶而赴之唯恐不及
子之為詩也虛其心實其腹弱其
志強其骨晝夜忘食寢冬夏忘鑪
扇妻子忘飢寒九天之上六合之
外何所不馳騫魂恍惘而若亡體
疲蕭而如樛其刻厲同也越將有

事於吳三徙舍五布令而斬有罪
以狗汰其筋力不勝甲兵志行不
足行命者而中今其師以爲左右
軍以其私卒君子六千人爲中軍
故衡行江表莫之與抗子之詩氣
不欲沈格不欲卑語不欲凡韻不
欲乖大小不奪倫始終不錯度籛


而有法逸而有制大曆而下却屏
而不得御其精整同也子誠越人
哉何詩之似越也而容有爲吳左
袒者君奚隆於越夫吳五君六勳
敵矣承父天中從出超忽飛動不
可端倪子念茂長興象風神格調
音律種々具足仲美好深沉々思

詞若方而意則圓景若淡而致實
濃羨長閑大雄奇如淮陰用兵多
多益善是寧易與耶子曰不然无
卦善用兵者也吳自弇州集詩道
之大成而諸君羽翼之諸君於无
咎禮先一節而茂長者業已為古
人矣无咎年財三十日力暇給而

柯則不遠五言古風不茂長七言
歌行不承父五七言近體不子念
仲美長律不羨長必不以其朴示
人宜五君之為无咎有也夫不聞
孫承祐之宴客乎一旦而得西粟
東鮫魚南鱸蟹北紅羊小有四海
矣就山人而論无咎之奄有吳六

猶是也吳何病越客則又起而操
曰越亦大矣無論它郡永嘉不腆
山人而稱詩有康裕卿洪從周二
君之所知也奚隆於无咎予曰不
然永嘉美山水以謝康樂之萬嗜
為守且久遊徧諸邑所至為詩詠
而雁蕩不與焉懷素亦言自古圖

踪未嘗齒及雁宕雁蕩晚出而名
踞永嘉諸山水上凡物之成名也
先後各有時安得謂今之人必不
勝古耶客唯无咎避席而謝曰
先生過譽白白何足以當諸君請
得畢狗馬力從事於斯以無負先
生今日之言



汲古堂集序

赤城王士性伯杅撰

予嘗南遊鴈蕩渡江心歷謝客王右軍舊
游爲問前輩風流猶有存不客有以何山
人對者至則芒屨布帽神采適上予固已
心異之比談詩而益爽然自失也已與潘
朙府太華攜山人于玉甌之巔指海上三
山觀出日處山人則復翩然有凌雲之氣

別後時二詩寄來予受而讀之爾雅湛逸
無一語作大曆以後至樂府古風益凌厲
而前矣山人以今丁亥歲九日過予於谿
頭問序焉王生則爲序曰古稱詩理性情
謂緣殖其鬻根而邑聲香味所自流也故
韻生于格格定于品迺輓近世所稱山人
之什予得而言其槩矣初未能以子大夫
取顯駟而無以游揚於公卿間則山人搦
三寸管爲羔雉而陰取償其直陽浮慕爲
名高也則山人甚吝以揣摩捭闔之術糊
其口而無以自試不托跡于章縫則不售
也則亦山人故輓近所稱山人者多大賈
之餘也語稱大隱則朝市小隱則山林今
山人不山居而借朝市以藉口焉朝嵬冠
而博紳暮習屨吾以備顧問取人已吐之
核而飭以爲已能此何爲者也明興謝榛

盧楠之後爲盛楠猶悲歌骯髒以沒榛絕
交於歷下恥矣即有一二自頽脫者然其
格終卑不振品固然也予起摺紳閱海
內士惟松陵王叔承稱神交能自成一家
言永嘉何白輩後起其才情不減王生少
年厭舉子業不事而一意爲古詩歌非不
能以一第顯也故此二山人者迺世之介
士也蒞其地者以客卿卿之二山人以布
衣據上坐祭酒弗讓也張口哦詩外一無
所事事以自滋潤故其作摠歸之爾雅謂
性情之道不藉之二山人以起耶故受詩
於山人者當自其品始何君謝不敏予曰
人情靡不有初能使海內誦君詩者終不
疑於予言則予與君俱厚幸也君倘負笈
游吳中遇王生于廬丘洞窻之側其亦以
予言語之

汲古堂集卷之一

東甌何白无咎著

樂府

東征之什十六章

東征者何美圭叔王大夫伐也大夫膺期
命世能貊其德音用是銜

命東征殲其醜類弘勛懋昭煌煌乎烈矣
敬用作頌以備瞽宗

拜皇命

皇帝曰咨咨爾明牧匪伊之是穀實天之篤菑
以播之用康西服允文允武爰綏爰育適有載
命六師是督以靖朔方遄脂其轂

維茲句驪奄宅鮮卑曰自有土肇啓于箕累世
作輔以翼皇畿蠢茲卉服孔熾孔仵乃蠶厥圉
亦蠶其基王室如燬民罹于綦用而禦侮而汔
其熙

臣曰休哉稽首受斧言禡其牙爰整其旅郊秣
于嶧江飲于楚維齊于燕爰及遼左夙夜于征

在公靡盬攬我卿士翹翹其羽罔敢弗虔執轡
如組

右拜皇命三章

一章章十二句二章章十四句三章章十四句

渡泚水

江之廣矣流何湯湯斯張斯皇我師孔揚受命
于天遑卹其將永其若帶一葦可杭

大夫曰吁矢言于徒毋謂爾慢憲弗爾追毋曰
爾恣憲將爾試毋曰爾後憲則是糾爾不我尺
我不爾直皇皇我毋詒爾戚哉

右渡泚水二章一章章八句
二章章十一句

奮南原

荒荒南原維夷是託公曰徂征乃營于薄將探
其落以隳而角徒曰遘哉毋嬰彼攫毋畀彼欲
泗師潰奔亦兵之索公曰徂征有前無却勇往
不回如山如嶽顯允君子聲容以作

觶觶餘艗翼翼龍驤鼓聲鏜鏜武夫橫橫決謀
如江謀無不臧迺壹迺集舳艗相望

右奮南原二章一章章十七句
二章章八句

克栗林

栗林之役誰其克之大夫畫之元戎則之乃心
乃膺文武一之盤盤曳橋夷是憑是負慘慘栗
林夷是躡是蹂我馬駟駟我夫赳赳旣噬其吭
旋覆其後熅氣赭天遂燔其藪爰發其筍乃翦
乃刈執訊獲醜

石城言言木城莘莘我師載集一百其身礮車
雷野霓旌萐雲七萃振振彌赫彌殷穹穴用燠
迺讐厥竟爰即其壘以崩以奔

右克栗林二章一章章十七句
二章章十二句

平南海

桓桓我師乘勝蹀血儻儻醜夷乃僵乃蹶迅霆
砰訇罔弗顛越遵於南海遂繁厥枿蟻潰於隄
復盤於垤番番萬艘連檣嵒嶽公曰遭哉母室
彼穴鯨駭斯掣猊怒斯抉獸不擇音窮而反嚙
解網示撤將乘其突爍爍火車燦騰焱發晨燉
沸波夕烽掩月馘渠俘魁厥類是剗以獮以蒐
悉殄悉滅

右平南海一章章十八句

振旅愷

儻儻醜夷三窟是憑彌天之網恢於八紘原觸
遁獸水宵逸鯨纖毛微鱗亦罔弗嬰漂血浮鹵
如河如涇崇嵒膏野如丘如陵積甲蔽畛如坻
如京我軍洸洸伐鼓彭彭劒函于室弓弣于檠
藩國之長遡而屏營藩長之屬旅而膝行陳醑
臚牲是將是迎再拜稽首颺言于庭匪天弗生
匪天弗成謙謙君子盍而不盈言如弗勝維帥

之明維士之勅疇曰予能寔皇之靈

右振旅愷一章章三十五句

賚武功

帝曰大夫女能於職懋勤厥績言雍其慝八戰
八克族類授馘何以申之褒號是錫又何重之
五絲有艷嘉哉嘉哉維邦之特臣拜稽首對揚
休德祗服綸音孔皇孔揚

右賚武功一章章十六句

勒遺愛

藩長有言曰侯自天蚩蚩小臣宗祏是顛累縟
之緒疇則續旃垂顛之木疇則植焉魚麗于筌
乃返于淵麋觸于藩乃逸于山悠悠蒼天匪臣
之是全乃侯之延

陪臣有言上帝殛罰是說宗祀之緒玷如綴旒
遵彼道周禾黍油油祿食匪謀亦孔之羞疇反
我仇疇發我幽匪天之是休乃侯之猷

國人有言我無以為家既殪我獫狁我玁狁
厭我稷爰漚我麻疇返我室是漸是摩委佗委

佗維侯則那

子子穹碑言志我思維日維月麗于天衢莫之
敢指亦罔不知君子萬年逮于本支

右勒遺愛四章

一章章十五句二章章十五句
三章章十句四章章八句

君馬黃

君馬黃我馬白兩馬神奇虎為脊徠崑崙歷西
極滅沒籛雲溝汗赤君馬驅迅于翼朝秣越南
暮燕北我馬馳逝無跡十里徘徊五里息君馬
勞我馬逸我馬絕塵君馬踣敗君之馬竭馬力

誰其御之東野稷

隔谷歌

隔谷隔谷人為刀俎我為魚肉有弟不聞誰為
匍匐身落井中日月無光華仰望行雲飛飛
駕鷲我無羽翼安能逐彼遊戲青天出虞羅
箭無鏃兮斧無柯百年促兮一印多雖有弟兮
奈我何

獨漉篇

為武義王世名而作也世名父為族叔

所殺母念世名稚匿不發叔歲給米菽
以償母子相對泣棄弗食及世名長爲
庠生娶婦舉一子世名袖利刃伺仇出
立斃之有司憫世名孝欲活世名世名
不肯令父骨復暴人間竟自殺以明婦
亦以身殉焉

獨漉獨漉悲歌當哭梁柱有刀車輪無軸兒啞
啞繞父足殺父者誰爲父族兒不敢仇仇爾叔
春我黃梁哺我菽鈎吻當殮口含毒兒下有兒
兒可贖摩挲室中刀仇來仇來剗爾腹報父下
泉亦何復有婦有婦從之游不爲黃鵠生獨宿
塚上連理枝左拂扶桑右若木日月繚繞之晝
夜代明燭獨漉之歌悲且促

窮劫之曲

殷殷雷霆若不聞兮裊爾而笑峩峩丘山若不
見兮瞽焉以眊旣塞爾聰疇發爾蒙連袂成幕
黜乎深宮一解晦媒媒兮大澤弗迷占曰野父不
足與謀叶作棄之如遺明歷歷兮中道而惑占

曰哲夫乃安其畫就之如暱二解明可翳也聰可三解蔽也滔滔其流不可濟也

蒿里

遙望蒿里陰風漉漉狐穴我垣牛穿我屋白日
麗天不爲我燭麥飯滿盂不充我腹當時一怒
夷三族 碑穹穹封隆隆其王公邪蓬科草根
從橫芊眠愚邪賢邪蚩邪妍邪

於忽操

於忽乎高堂之下不可以寧處累枿不傾維此
梁柱千里言違始于庭戶豈無父與兄騶虞或
爲虎豈無子與女芝蘭或爲楚於忽乎有身若
俯有容若負陳尊旅俎君子燕胥寔獲我所令
我壽康無疾苦

於忽乎卑卑下基累高累危困困生棟載塗載
榱望之巍如潭潭夥頤蚩蚩其氓惟殖爲學德
之孔輶蟬翼匪薄胡然而燕寢胡然而湛樂朽
索爲馭六馬翹翹一絲是繫九鼎搖搖於忽乎
安乎側乎勞乎逸乎保其無溢彼其自擇乎

孤兒行

夜宿松溪夢母而作也

烈烈北風有瘖其馬
嫫嫫孤兒夜行中野
玄陰
侵淒雨雪雱下
我行何所言
戾松谿斧冰作
餽析薪燎衣茅不掩
桶土不堽扉
疲馬悲鳴
亦媚其侶寒禽依棲
亦比其羽曾是孤兒不遑
寢處
羈魂泫泫載浮載沉
髣髴我母爰覆我
衾乃摩乃拊有怛其音
荒雞起埒殘霰集林
維河無梁母何以涉
維山無梯母何以越
起立
徬徨肝腸斷絕
孤墳纍纍在山之隈
北風烈

烈樹無寧枝人孰無母亦孰無兒
母兮歸只兒
莫之知嗟嗟兮安用兒爲

前有尊酒行

悲友生死于酒也

前有尊酒高歌鼓缶
奉君斟酌願君長壽
願君長壽令君千秋
奉君斟酌令君忘憂
樂曰無荒主勸賓
疇舍而弗由化爲戈矛
母曰爾沉酒
毋曰爾洗腆不及于亂
期以松喬之算君胡
自戕令我孔傷爲君覆觴

芳樹

示兒而作也

維我前榮有梧有櫨梧出于垣櫨不盈把豈其
有心曾莫肯下競茁翹翹高枝相亞 謂櫨無
知企其齊而人之有哲云胡弗晞日月其馳下
流是居子之自畫曾不櫨如勗哉櫨哉疇弗我
師

楊白花

楊白花作花不作實隨風飄蕩落南家阿誰空
繞花落處攀條歎息復怨嗟 楊白花化萍隨
水去不復上樹枝啞啞官鴉唬著矚

善哉行

明星在戶夜如何主人燕客樂思多娉女初停
大垂手小史踉蹌壽金叵羅 琴行瑟作月將入
酸風入弦淒以急四座無輝燭光戢樂極哀來
涕橫集 憶昔十五二十時但謂爾輩愚磊磊
落落一男子情癡乃效兒女爲 亭亭山上樹
風吹葉落離故處江流湯湯東入海六龍駟車
胡不待

采葛

彼文豹之皮斑斑兮可以寢處羗夫人之子蚩
蚩兮母嬰彼怒蜂蠆螫膚壯士失色黃雀銜
珠反遭彈射百爾君子母私以暱黃鳥刷羽
好音交交蘭生當門不如樹艾與蕭彼狡童兮
不可以久要兮

去婦詞

咄咄復咄咄今日與君相決絕君作挾炭冰凌
寒復求熱妾比三五月過盈復悲缺不解佩中
環但解腰間玦昔爲松與蘿上下相樛結今爲
水與萍東西各飄瞥昔時種柏今拂檐樹猶如
此人何堪君安妍好不樂故還君七寶瑋瑁簪

對酒

昔我無酒令我坎懍怫鬱愁不開今我有酒胡
爲太息不飲還停杯拔劍出門躊躇四顧詰曲
嶮巖迷陽當路得意失意由一言得失互爲恩
怨根禍福倚伏豈有極君且休矣吾何言君不
見南方山精一足舞長號白日生風雨

野田黃雀行

野田黃雀啁啁復啁啁東菑有黍南疇有稷自
知毛質卑微不與黃鵠比翼黃鵠六翮下有天
風橫絕四海遊戲烟空托身失所觸彼羅罟中
君不見城壕孤鶴失儔侶拳局摧積落毛羽身
無雙翼離哉翻鴉嚇鴟張禿鴉怒

塘上行

離離塘中蒲託根貞且堅雨露布濩之蒲葉何
翻翻下有文鴛鳥和鳴戲波瀾上有合歡樹布
葉蔭華湍蒲長紉作佩充君衿帶間文鴛刷好

羽荷君稻梁恩芳樹垂青陰藉君相攀援一朝
霜霰集玉臺風以寒蒲葉日凋落獨立良以難
文鴛毛已短芳樹枝亦殘昔日充襟帶不殊芝
與蘭昔日啜稻梁不殊鳳與鸞昔日蒙攀折不
殊琅與玕人情有翻覆芝蘭化爲菅樹枯鳥摧
積棄置何足論誰能爲此曲令君發悲端韓娥
引長吭麗玉和哀彈此曲不可竟曲竟摧君肝

名都篇

奄宅啓幽薊瑤光映神臯太紫體皇居靈景耀

層霄宮雉遙相望。穹窿一何高。羣后布大化。吹
萬咸光昭。山嶽效神奇。佳氣鬱嶕嶢。百辟式光
儀。充庭集蟬貂。多士亦嚮臻。濟濟來譽髦。和鸞
輦。丹轂絕影飭。華鑣高天有。迅羽翻翼神。颺
巨壑無纖鱗。灑潏騰飛濤。赤鴈奏郊廟。黃澤興
風謠。遼遼殊未央。民生亦云勞。空谷有白駒。皎
皎思場苗。

出自薊北門行

浮雲不停飛。萬里長悠悠。征蓬逐行客。撫劍來

邊州。駟馬度沙磧。關樹鳴窮秋。亭鄣亘萬里。故
鄉復且修。鳴鴈接胡天。日暮交河流。反顧望招
搖。光映東南陬。征心無倚薄。飄若風中旂。紅塵
蔽太漠。國恩亮未酬。古來有行役。胡爲獨沉憂。

哭泉篇

萬曆歲在甲辰。予有榆林之役。道經宜君
縣。哭泉上。謁孟姜杞郎祠。祠在宜君山半
祠前井水甘冽。相傳孟姜自長城攜夫骸
至此渴甚。仰天大呼。甘泉涌出。哭泉由是

以名予感其事作哭泉篇

宜君山兀兀哭泉水嗚咽嗚咽何淒淒行客中
心悲皎皎孟家女姣好世所稀十一阿母側對
鏡畫雙眉十二工筆札十三敦詩書十四弄機
杼十五能裁衣十六鼓鳴瑟十七為君妻將事
陳六禮阿母親結縉香車遵大道白馬從青驪
日暮登君堂一一生光輝坐用連理席飲用合
歡杯枕用雙絲錦被用無縫綈額花憐並蒂釵
燕亦交栖一日羞顧眄低眉向重幃二日寡言

笑足不離中閨三日感私愛寧知生別離別離
在何許築城向邊土里正朝扣門范郎方出戶

長跪告里正鄙薄願有陳丈人且安坐三句韻范

郎無弟兄少小背父母伶俜常獨居黽勉娶新
婦三日未上堂形影相與侶身瘦氣力索寔難
備行伍里正得聞之齋怒氣如虎汝心何偏頗
汝言何颯縷官家西防胡頻年戍間左婦女縫
征衣丁男役疆圉誰不念妻孥疇能保公姥內
史催築城法令急如火汝籍隸軍書汝名早報

府一更晷春糧二更聽桴鼓三更候點行四更
催赴伍五更出嚴城兼程逐前旅去去莫稽留
稽留行遠汝范郎得聞之低頭復諾諾倉皇還
入戶三句韻仰面見新人淫淫淚如雨蹋地但呼
天哽咽不能語與卿爲新婚保已終百年何意
風波起相失須臾間念此遠行役一往不復還
終知是死別會面永無因願持一生歡託意於
後人莫以盤石故棄此璵璠莫以叢棘故棄
此蕙與蘭莫以野鶻故棄此鵷與鸞人事有遷

易慎勿相煩究所悲孤單兒窮獨誰與親氣結
語中塞拊膺更長歎新婦謂范郎君言何偏仄
君悲妾亦然同是被驅迫結髮行事君寸心終
不易妾心若璵璠君心豈盤石盤石猶可移璵
璠無改色妾心若蕙蘭君心豈叢棘叢棘有時
萎蕙蘭香不息妾心若鵷鸞君心豈野鶻野鶻
雖有儀鵷鸞不重匹三月與君別四月縲車鳴
五月理交縶札札機杼聲六月持刀尺七月寒
衣成著綿愛稠疊胡地玄冰凝八月卽長路九

月來邊城隨時自愛惜無爲兒女嬰何以感妾
面釵頭一雙燕比翼雖差池時來會相見何以
感妾思綴耳雙明珠的的自相對圓轉無已時
何以感妾心連絲弗雙針糾結永不解刺君裏
與襟何以感妾愛同心茱萸帶纏綿結兩頭繫
君曾與背送君在何所乃在河之梁踟躕不忍
別悲風吹羅裳送君在何所乃在郭門外躑躅
不忍別淒風吹羅帶送君在何所乃在山之陰
惻惻不忍別長風吹羅襟送君在何所乃在大

道口恨恨不忍別寒風吹羅袖范郎馬在前新
婦車在後新婦向東旋郎馬從西走掩抑背面
泣傍人爲回首一日復一日征夫去家室旦辭
家室去暮宿洛橋邊太息通雞鳴車音已闐闐
旦辭洛橋去暮宿芒山曲展轉達五更馬蹏已
篤篤客行不遑息遠見龍沙磧風動草茫茫白
日無晶光飛沙蔽原野日落天荒荒沉陰嘯幽
鬼寒雨吹枯楊軍吏持白旆平明催築城萬人
對舉杵橐橐齊諧聲飢餓不及哺日昃猶未停

鳥爲拊翼哀馬爲驤首鳴長城何鬱鬱萬里亘
層雲負土未終極連山有時平憶昨別家日謂
言功有程何期是永訣憤懣空填膺淚盡骨已
折髓枯神就冥父母生我時所願家計成不圖
死異域魂魄無復竝仰頭告火伴念我同鄉兒
我今日就冥亦復何所悲所悲有新婦臨別與
我期四月縑長絲五月理鳴機六月執刀尺七
月製寒衣八月出閨中九月來邊陲今已七月
盡計日苦不待三句尚有餘韻三句念與新婦別

一一有所詒一一還所詒并用申我詞還渠釵
頭燕羽翼永乖離還渠綴耳珠圓轉知何時還
渠連絲針糾結徒爾爲還渠同心帶斷絕無所
施一一旣無分兩情長依依奄忽畢大命言絕
猶聲嘶可憐七尺軀化爲城下泥七月涼風起
哀哀誰家子云是征夫妻孟姜世無比當窻執
刀尺裁縫紈與綺清晨爲上襦挑燈爲下裳袴
褶及韎鞞事事四五雙襲以同功綿薰以五木
香離婁事結束中宵理行裝出門不返顧西向

指朔方離家方破月遙遙見邊墻切切頻借問
循行呼范郎中有同鄉子知是孟姜來罷相致
前詞韻三句郎去一何速儂來一何遲郎死留所
詒一一與儂持更復有何語語儂儂聽之還渠
釵頭燕羽翼永乖離還渠綴耳珠圓轉知何時
還渠連絲針糾結徒爾爲還渠同心帶斷絕無
所施一一旣無分兩情長依依可憐七尺軀化
爲城下泥孟姜得聞之怨絕悽心脾一哭天爲
泣再哭城爲摧城摧白骨見何由覩郎面髑髏

纏草根撐拄已零亂齧指試枯骸血盡骨將徧
中有一人骸瀝骨骨爲顫知是故情人淚下如
流霰續用五絲繩濯用百和湯裹以明光綺函
以紫纈囊取粟持作飯折葵持作羹纖纖作雅
拜細語良惋傷與君結大義生死永相望同棺
有共死異軀無獨生死生知不媿負君還故鄉
萬人咸舉哀頓足裂肝腸行行負郎骨登頓劇
饑渴淚滴高山頭甘泉石上出逶迤漆沮間足
繭身已竭鑿石瘞郎骸中道欣同穴立槁石穴

傍容光炯不滅土人請合葬累土爲高丘丘前
樹松柏丘後樹梧楸葉葉自相對枝枝自相樛
下有蛩蛩獸上有關關鳩丘左藤交蔓丘右水
合流禽鳥相悲鳴行人盡回頭漢有仲卿妻秦
有范郎婦蘭芝與孟姜芳聲照今古蘭芝比孟
姜孟姜定無雙

結客少年場行

不逐幽并兒驄馬高纏駿寶鉞佩錦帶鵲血調
駢弓探丸殺長吏格捕都城中不逐京洛兒呼

鷹灞陵東徵歌出上蘭使酒過新豐睚眦由一
言斷首如折蓬天生沉勇姿恥與而輩同結交
萬夫特羞稱百夫雄古昔寧有兩今世良無雙
一朝感意氣爲君提玉龍千里不留行揮刃當
上風萬金不回首去若雙飛鴻嘻咲笑豎子劔
術胡能工戢身襄子廁濺血秦王宮

門有車馬客行

甲午紀事是歲洛陽大侵人相食

門有車馬客興言發洛陽肅客出門樞斲爲停
高箱長跽借問客親故今存亡客語未及對含

古堂集卷一
滕先霑裳昔亦一洛陽今亦一洛陽今日洛陽
道蕭颯交悲涼藜藿襲通衢白骨紛縱橫父子
相啖食兄弟爲豺狼割肉以當醢析骸以充糧
百里無人烟落日寒蒼蒼天道有崇替人事固
難量送客出門樞引領岐路傍反顧不能言哽
咽獨摧傷

怨歌行

冉冉陰陽移涼節變金素清颺飄玉除瑤階零
白露皦皦素月輝槭槭離宮樹感彼恩幸捐傷
茲年歲暮出戶遙相睇徬徨增永慕

少年行

三秦饒慆俠五陵多精悍軒軒若雲屯稜稜自
風岸颺生耳後聲光流目中電意氣有輸命然
諾無反汗中夜月出高虛堂敞華宴酒酣各慨
慷扼腕明恩怨坐中一少年祭酒起長歎出門
據紫騮腰間插雙箭馬迅不及塵颯颯掠飛燕
邯鄲旦血腥關吏淚如綫

戰城南

男兒生七尺何赳赳提軍出城南兩甄分左右
忼慷赴敵場骨騰肉飛誰肯後生當渴飲月氏
首死當棄黃沙齒肉但飽烏鳶口安能草間活
挾婦孺走如貳隨戮一牝逐逐呼一牡

白紵詞二首

綺霞欲素東吐月後庭千花明絳雪停車繫馬
客不發桂醕醴鐙爲君設滿堂美人儼行列含
商扣宮白紵闕衆中恐君不中答君獨目成與
予悅願歌迴風燭光滅贈君鴛鴦合歡結重以

盤龍玉跳脫

飛霞夭矯驚鴻翔安陵起舞歌龍陽曼衷乍舉
清音揚離盤玉食行璫觴千秋萬歲樂未央願
賡黃鳥從三良身荐螻螿狗北邙朱顏奄忽難
久持前薪見凌前魚悲啗桃矯駕仍見訾錦衾
繡枕從華滋膏蘭香澤爲誰施

擬鮑明遠行路難十八首

登君鬱金蹇嶮之高堂坐君瓊瓊玲瓏之象牀
酌以百末蘭生之玉酎薰以百和辟惡之生香

世堂集 卷一
下堂失意在俄頃空留玉釵明月璫曲房在天
雨在地歡情自短夢自長行路難有如此爲君
哀歌增慨慷

君莫倚出海照乘之明珠君莫倚入懷連城之
白壁光芒燿燿安可爲按劔路人方在側不祥
之寶一以剖何如歸作荊陽石玳瑁玳瑁齊見
珍今我棄置何所惜紫絲韉引白額駒三市九
衢作游劇

貴賤相倚伏憂來忽與危亡期屬鏤在手仰天
歎安能還我丹徒舊布衣君不見猛虎在山血
磨麋嘯風扶石飽且嬉一朝入圈弭兩耳那得
決蹠出駮機目光如炬忽墮地縱有利爪將安
施

君不見見梁上燕辛苦生四兒雙燕哺兒出入相
間飛沾沾風雨衣離披掠蟲上下百不辭日暮
來巢長忍饑飼得兒肥毛羽長鼓翅各自東西
南北飛人生作計亦若此何如且盡尊前卮安
用金高北斗爲

君不見南北路日日行人來復去一埃方過一
埃迎但望前途誰反顧荒雞鼓翼日始暝疲馬
辭軒天已暮舊客還尋舊主人認得門前古棠
樹南國豎儒塵滿身足趼眼昏無雅步人生遇
合亦有時歸去清江守置兔

君不見見夸毘之子逢世資輕裘白馬縱橫馳噉
名獵譽競訶詆惟憑氣息交相吹山中老客不
曉事白首窮愁仍下帷仰看屋梁弄鉛槧著書
不藉傍人知身後空名亦何益兀兀長年徒爾

爲誰云書成俟來哲但付子孫覆醬瓿

結交莫令大纒繆纒豈能終不變一朝掇塵
嫌隙生三峽九疑在對面我心如月還自知水
石纍纍清自見斫劔起按行路難四座聞之淚
如霰

君不見見虞仲翔平生頗恨無人識死借青蠅爲
吊客子雲寂寞草太玄異代君山那可得仲宣
須寢太沖口吃元叔不如一囊錢咿嘷骯髒倚
門邊相如未遇漢天子犢禪賣酒成都市衣冠

容貌能動人舉世孰知僞與真急辦高車及大馬揣摩諸侯西入秦

列缺光駒隙影百年之間真鼎鼎與君青鬃至白頭今昔相歡若俄頃人生誰得終百年會見相將歸下泉是非恩怨共塵土何必相疑由一言澆君壘塊奉君酒眼前浮雲亦何有莫言今日百不宜當念抱頸牛衣時

橘柚櫃梨同適口絲肉笙簧共娛耳人生語默各異趨安得與君皆相似迴蹊曲磴饒荆榛委遲周道平如砥同車相就且相親莫問悠悠路傍子

誰謂呂梁之水龜鼉不敢游丈夫蹈波若安流誰謂盤蛇烏櫳高通天跛羊駑馬登其巔至危迺在細旃上主人朝迴新拜相男兒尚主女入宮僮奴亦是邊城將一朝黃紙來見收覆巢之下雛啾啾層臺累榭作車廡華林蘭阪成榛丘少伯謝烏喙去弄笠澤水子房辭龍準歸從赤松子君王豈有四海羅鴻鵠高飛奈爾何

造物小兒何狡獪搏弄生人作遊戲鞭箠翦剔
無不爲令汝脰申還就羈卒歲窮經期自見玄
鬢生華猶未薦九重誅蕩天自高懷中有書不
得獻幸當聖世方右文眼看年少登青雲騏驎
蹀躞首天路寧復反顧求其羣只尺君門隔萬
里葛屨履冰露泥泥劒歌日暮歸去來翹材之
館何時開

冰蠶吐絲絲不絕憂從中來那可撥昔人誰似
杜康賢漱醪坐使沉憂輟以茲於爾了不疑日

向糟丘營麴蘖醉鄉有路抵華胥不是人間塗
九折丈人箕踞兀然醉爲爾翻歌行路易李白作蜀

道難陸暢反白作蜀道易余亦戲用此意

長安大道塵吹面對面相逢不相見霍家家奴
馮子都白馬銀鞍如疋練狹邪挾彈日經過意
氣驕矜走雷電漢家近與烏孫和塞犬生虓少
征戰三河俠少氣不平畫地指天功未建登臺
長嘯向北風睥睨霄間雙羽箭

揉木誰作輪剡木誰爲檝適此萬里資令君遠

離別豈無石尤敗爾楫豈無太行摧爾輪有心
願逐歸棹月有夢願逐歸輪塵征輪去去棹未
返坐惜青閨華歲晚

憶昔行游氣夸邁足底九州如歷塊躡步高凌
秦華巔頰瞰黃河若衣帶策虜草檄臯蘭山從
軍飛轡長榆塞一從肺病臥空山行藥松間聊
閉關越陌度阡少陵厲經丘尋壑何蹒跚爲語
及時無自苦呼酒擊鮮歌且舞飛揚或放鞦韆上
鷹驍騰行獵林中虎

莫言富貴由英雄莫言貧賤皆愚蒙運去賢豪
在溝壑時來屠釣都王公世人皮相逐華競寧
知甕牖貧非病座擁奇書傲百城裏有明珠輕
萬乘寄謝囂囂項領兒莫因落魄相凌欺

舉世不足處駕言凌紫烟玉鸞啓前路飛龍翼
高軒游行霏霄中竦身入雲端九州烟九點五
嶽石五拳下見向平禽慶兩小子蠕蠕如蟻相
攀緣鼠肝蟲臂供糗糧卒歲有餘腹果然道逢
雙青鳥口銜赤玉靈文篇云是金母使招邀燕

息崑丘巔龍伯膾六鼈天吳醢神鯤棄骨若丘
陵不足充盤殮夸父翻渤澥海若倒百川玉女
調酒漿不足充壺尊上元拊靈瑟宓妃歌步玄
阿母開玉籥授以元始太上之真言誓將騎六
氣出入無窮門安能跼蹐世間路乃與松菌爭
齊年

思悲翁

思悲翁昔騎竹馬泥城東顏如好女桃花紅探
殼上樹如旋風十八從軍征膽壯氣益雄左右

佩兩鞬雲端射雙鴻私通馬邑豪餌虜邀竒功
伏甲三十萬中夜出雲中虜覺乘六羸一夕遁
去旃廬空逞心一以蹶事徃徒忡忡日月忽行
邁齒落頭已童來歸無寸土鄉里小兒棄我如
秋蓬夜半摩挲刀與弓歌聲中咽哀思叢思悲
翁悲莫極今日非昨昨非昔猛虎雖已死蹉踞
不肯側思悲翁悲復何益

涼州月

月彎彎照涼州月下一聲角散作關城秋城頭

高旌飛子子隴水漸凝聲漸咽征人月下霜滿
衣北風翦翦冰髯折將軍錦帳猶歌舞傳令中
軍夜研虜平明獻馘向轅門醉臥未醒聞報鼓
九重丹詔來邊頭將軍益封萬戶侯部曲惟聞
行薄賞軍中贏得一椎牛又傳虜薄關城下飲
罷謝恩齊上馬

汲古堂集卷之二

東甌何白无咎著

樂府

登高丘望遠海

登高丘望遠海積氣蒼蒼窅何在長鯨嶽嶽龍
憑憑吹滂濤與風雷爭九州爲壑三山平海若
舞馮夷逐不甘而族甘人肉十百生人葬而腹
吮血磨牙猶未足誰教汝狎之日日蹈波如蹈
陸白旄招鳧鳧未迴我檣大編開復來

雉子班

弋人探雉卵伏以家雞馴養為雉媒以誘羣雉而翳之

麥芄芄雉班班雄飛呼雌出林間前鳴後雉豈
不適寧知危機方在側雉媒飛飛高入雲兩雉
相逐求其羣雉媒下伏雉在翳翼鍛尾傷錦雲
碎咄爾雉媒胡不仁唯懷恩養戕其類吾聞至
德之世麟游於郊刳胎破卵鳳不來巢兔死狐
悲亦至性況爾同儕等軀命唯烏有梟獸有獍
物之不仁人之鏡

石城女兒行

石城女兒靜且姝十五夫婿執金吾盈盈掌中
明月珠一朝新愛坐捐棄中道君心與予異那
說當時可君意強笑向人中不懽蜀弦流悲楚
妃歎上堂下堂反掌間盤石雖堅尚難保明鏡
蛾眉為誰好嗟爾丈夫何草草

采蓮曲

采蓮歌聲斷續沙棠為船青絲竿芙蓉出波何
綽約朝期在何許期子西陵下暮期在何處期
子西陵渡東家女伴日相邀阿儂判識西陵路

菰蒲短短鴨鳩飛兩岸風吹楊柳樹十里芙蓉
極望平綠波澹澹綺霞生棹通葉嶼妨船重船
出花潭覺棹輕藕絲相纏綿當時可君意誰遣
藕花開連莖復並蒂並蒂萎紅逐流水纏綿宛
轉相終始空房嫋嫋落秋風采掇那能得蓮子
憶昔十五不識愁東家相喚共鳧舟自矜弄槳
西陵蕩不愛提筐南陌頭花豔時能分笑靨葉
長未解鄣儂羞一朝復一暮花落愁難度舊愛
避新人新人行復故翠蓋田田泣曉霜朱顏冉
冉罷紅妝驪比荷珠元不定儂如荷鏡本無光
相憶音書斷相思道路長祗應夜夜西陵月獨
照城南瑤瑁牀

古別離

古別離別離各異縣異縣隔湘南何用問音信
雙頭七寶簪朝采南澗蘭暮采中洲菘獨乘白
鳧舟空憐隔江宿蘋花斷續開蘋香江水綠水
綠蘋開映碧沙江帆夜夜泊誰家願借東流更
西注好憑雙淚寄三巴古驪無處所佳期渺何

許落日漢陽波悲風洞庭渚玉壘迢迢去不還
銅梁望望宵難攀悲在口中含石闕鏡飛天上
卜刀環嫋嫋商飈生苑蕪連理匡牀錦衾薄寒
到齊紈不忍捐絲脆吳綃那堪著月下偏窺翡
翠簾霜飛暗妬鴛鴦幕空思楊柳繫青驄愁看
桂樹巢黃爵一朝復一朝遮莫可憐宵深閨誰
與媚蕩子爲誰驕秋夢秋雲薄巫山巫峽遙門
前風吹烏柏樹判是衡陽無鴈渡君今不渡奈
君何激楚南音空有歌

明月引

團團桂樹吹古香隱隱桂輪流夜光始見天垂
如振素漸升海底若飛霜誰家南陌玫瑰閣何
處東城瑇瑁梁東城南陌愁難歇庭中竒樹涼
飈發梧桐露溼銀牀枝菖蒲夜冷金塘節白鴻
并作淮水雲玄兔猶疑梁苑雪苑梁不可接淮
水渺難涉相將油壁車欲引沙棠檝可憐乞巧
流螢院可惜長門玉階怨弦澁猶聞瑤柱箏漏
微漸促金徒箭隔年密意串雙針秋風緘恨捐

團扇夢覺車音殷若雷望裏明河白如練圓缺
空傷歲歲期容光坐惜朝朝變別有思婦出深
閨見月雙垂玉箸號蕩子辭鴛閣從軍逐馬蹄
詔隨都護遮隴右書傳驛使到關西江潭水落
魚龍靜宛轉金波寒不定沆瀣香浮漢帝盤菜
萸匳展秦王鏡塵生神女寶鞞輕彩含淵客鮫
珠迸紅衣半落芙蓉愁芳蕤欲歇靡蕪暝越姬
采菱曲未終吳娃擊榜歌相應三五盈盈滿月
飛詎知二八減圓輝麇麇鶴髮新愁長宛宛蛾

眉故貌非莫遣粧臺窺粉淚直教舞榭鑿羅衣

軍中行路難

行路難路難千萬端黃牛百丈峽青泥九折盤
豈若從軍苦欲語從軍摧肺肝悲聲非關瓠巴
奏哀音不爲雠門彈長城三春草尚短幽州八
月雪先寒雪寒草短復年年絕域風光詎可延
乍見梅花吹作曲已看榆筴落如錢冠軍未返
燕山騎少婦空悲蜀國絃撻金浴鐵逐輕車死
國從來不顧家百戰將軍軍碎葉十年征戍戍

黃花碎葉黃花沙浩浩西日甲光寒
曷曷陣雲遙望聚如羊胡馬橫驅疾
於烏分麾後隊屢愆期轉戰前軍恒
失道屬國功名數亦奇邊地風霜身
易老風霜漸失別時面誤殺春閨夢
中見斷絕上林尺素書思爲杏閣雙
飛燕雙燕春來一度歸三秋何用寄
戎衣夜夜遙遙聞簞策一聲一淚落
金微

琵琶引

吐延川上秋如水赫連臺畔邊聲起
女郎二八弄琵琶明月入懷風繞指
流悲寫怨不關人南客初經塞上聞
斷行沙鴈急衝雪嘯侶峽猿哀度雲
黃河卷入檀槽小千載古愁彈不了
燐火熒熒白草長月低青塚胡天曉

邊馬行

玄霜吹折榆關柳邊聲一夜傳刁斗
塞鴻曉渡白狼河家人夢斷飛狐口
平沙莽莽漢月高腥風獵獵鳴弓刀
窟深水寒長城下盡是征夫飲胡馬
胡馬凌兢凍欲僵豈待明年春草長
冬來

餉減丁男瘦減買邊駒補官廐馬肥猶可給差
徭男瘦不須防格鬪年年少府出金繒邀得盧
龍塞上名豈有蒲梢輸內廐不聞龍種到邊城
憶昔文皇臨赤縣材官十萬良家選出塞三犁
老上庭招搖翻向南天見河魁太乙按星文邊
塞家家習征戰勤王字鏤鐵兜鍪報國書留赤
羽箭一從互市議請和漢軍日少胡日多護羗
不自秋乘鄯部曲何人夜枕戈浪傳款塞時邀
賞牧馬公然北渡河胡奴解唱涼州曲漢妓能
翻敕勒歌君不見明妃塚冷胡天碧一曲琵琶
淚沾臆治亂安危各有人洛陽少年何太息燕
支山下陣如雲鵲印誰論百戰勛坐惜龍城飛
將沒至今猶憶隴西軍

哀江頭

爲南康守吳公而作也公諱寶秀
己丑科進士配陳氏吾郡平陽人

飛雲渡口西風急津吏停橈刺船立始陽公子
甫垂髻掩抑依依向余揖爲言阿父守南康雙
旌五馬爛生光寧知廉吏反爲罪諸孤蘋爾身
淒涼父昔驅車到公府蒿日日詢民疾苦化行

遠邇慕月間不圖遽坐中官禍中官權稅來江
州譏征會歛深誅求大旗卓天天爲愁義艦壓
江江不流長江日高一丈五傳呼奏樂頻搗鼓
于闐寶帶刻麒麟大內金牌畫飛虎禿袖監奴
紫繡衣銳頭惡少青絲組長官俛首不敢言何
況區區商與旅左右爛用水衡錢夜椎肥牛朝
擊鮮張弓挾彈仰天射鳥飛不近潯陽天游徼
關頭弛巡邏忽傳商客偷關過駕風遠逐到南
康中流絳斷官船破十人失水九人墮飛濤適

值長鯨餓水中叫援呼州民州民舉酒翻相賀
貂璫見說生怒嗔自謂奉書因國課壘書統轄
及守臣有事守臣當我佐州民袖手誰使然民
之僑獷誰之懦父謂爾璫勿怒嗔爾曹腰領無
容剗關津有地稅有經越境猶然黷泉貨而曹
之死天死之豈得吾民有連坐貂璫搥牀怒不
止謗牘蜚誣抗明旨御批緹騎出燕京檻車夜
達南康城南康城外合城內江水湯湯流哭聲
錦衣索錢動盈萬橐垂何以供充盈母憐此別

異南北誓願相隨同死生父云一身尚難保豈
能攜汝增伶俜夜闌掩泣已憔悴阿父據牀方
假寐燭輝無燄雨泔泔阿母遂作無聊計開奩
試檢約指環挑燈更拾流銀髻半生椎髮羞豔
妝貧女從來少珠翠離婁結束留枕函與君稍
佐長途費牀前再拜相決絕念妾笄年同結髮
祇言偕老共苦辛何期中道生離別臺前古鏡
名盤龍光與陰精應圓缺茱萸繡帶拂清輝疏
璃錯匣粧明月更有寶劍名純鉤龍藻龜文炯

明滅寒光歷落粲星辰白虹糾結流霜雪願得
周防君子身要見時危秉風節袖有一雙七寶
囊低垂四角同心結願言分贈兩侍兒薌澤芳
情未消歇女兒未長兒尚孩撫養宜均理無別
析上猶存蛺蝶翬篋中尚有鴉頭襪君今遠道
勉加殮莫因死者生摧折生者不媿死有知豈
羨兩身同一穴叮嚀告父父豈知夢裏微聞語
聲咽小兒抱頸女牽衣絮泣漸低燈漸滅平明
呼母唯空牀寧知阿母懸高梁阿父見母死杖

血裂中腸兒女見母死恨不從母亡闔城聞母
死擗踊咸如狂中有但夫人八十髻髮霜開我
東閣廂著我素羅裳倉皇備牲醴命僕舁黃腸
時城中但夫人八十餘遂以親爲眎殮含三繞沙木棺見贈親眎殮含舉祭親爲眎殮含三繞
母尸傍抗聲慟爲絕陰霾四塞天無光錦衣敦
迫難久俟薄俸那能具行李父老吞聲爲釀金
商畧通衢寘方甌間閭士子納銀錢村莊婦女
投簪珥三日得鏹三百餘空城大小隨行車呼
天遠徹一千里道傍聞者感嗟吁天王明聖臣

當戮詔發秋曹先繫獄中山未白樂羊書秦庭
豈少包胥哭一物終廻造化仁六幽竟藉陽光
燭不分生還見故鄉驚看兒女錯成行短衫紫
鳳半零落小子呼爺能繞牀夜闌秉燭猶疑夢
悲喜交并轉沉痛幾回守母聞不聞嘔血撫棺
唯一慟孤臣九死輕一毛天心未寤生何聊愁
聞稅監益益驕恣豺狼滿道人蕭條每當素食慙
無補風霜只益臣心苦願逐龍逢地下游聖意
中回臣得所一朝臥病絕復蘇之死猶呼臣有

負我聞此語空咿嘵古來釀禍寧無由未論遠
鑿漢唐事得不哀痛汪王劉憶昔肅皇興楚澁
啓沃君臣同一轍刑餘祇合供掃除豈得預叅
藩鎮列江南安枕七十年忍見今時更騷屑吳
公吳公君莫悲臣能盡忠妻盡節千秋正氣塞
乾坤爲雷爲霆有餘烈忠魂儻拜永陵雲應抱
遺弓淚成血

玉局謠送表令君移治蘭溪

玉局山頭月彎彎玉局山下車班班統如五鼓

侯出郭前車不行後車却白頭父老前致詞願
侯止車立斯須昔時猛虎滿中路自侯之東虎
北渡昔時蒼鷹攫人食自侯之東鷹斂翼昔時
蝥賊食我穀自侯之東穀蕃熟二月縑車聲拍
拍未離杼軸官催迫我今有縑兼有帛四月麥
苗青款款未登場圃官催督我今食梁還食肉
何以餞侯百壺酒願侯少留斟大斗湯湯之水
橫春渡來從西來去西去去時何早來何暮方
舟蕩蕩江之滸前船撾鼓催搖櫓婪人式歌歌

且舞爾歌何長我何苦須臾張帆疾於鏃我但
仰天何所祝祝侯長年綏百福

粵海賽神詞

炎海紅雲蒸遠島日照林花映江草蠻奴兩兩
茜裙新齊到廟門聲似鳥擊鼓割羊與神語八
節願神長作主丈夫捕捉饒蚺蛇小兒撈漉多
龍鰕更向商船得文貝還從夷舶收丹砂丹砂
文貝到州府易得金錢不知數與奴買錦作長
衫雙帶交纏長命縷此時賽願來挂旛更繡花

鞦施神姥

滇海曲

人間信是滇南好四季春風自花草行人齊唱
梁州歌曉日瞳瞳抱珥河夔婦妖粧美姿首數
貝四庄爲一手綠雲髻顰顰歌花紅潮頰暈櫛
榔酒西連夷峒接貴陽蛇蟲吹毒蠻烟黃崖蜜
能甜與郎飲願郎莫漫苦思鄉

督郵行

寧入虎穴捋虎鬚寧縋龍窟探龍珠莫令足跡

入城市督郵伍伯怒氣麤督郵索錢猶自可伍
伯苛求急於火誰言城市無人行夜半中達猶
哭聲

溪翁行

溪田犂确河田沃瘠土民勞膏土樂河田多收
十斛餘年年不肯全輸租溪田收薄少生計刈
薪賣穀完新稅春來月出不聞歌昨朝社飲無
人醉溪翁但羨河田豐家家甕酒真珠紅

河翁行

老翁耕種居西村白頭不到城東門翁言淳朴
日非昔我覺勝兒兒勝孫大孫自詫能當戶負
租徃徃凌田主日斜歸自縣門來桑下乘涼說
官府

尺八

紫玉嘶風橫尺八長聲割雲清吐月洄波濤劃
海西流黑河千里玄冰裂瓊臺獨立愁煙空銀
浦隔簾垂素虹草頭風急不留影卷入燒烟驚
夜鴻楓林楚客歌楚只夜半魂歸渡江水

迎龍母詞

龍母爲永嘉蒼山周氏女女汲于溪得文
石焉誤吞之遂有孕及娩產一龍飛去母
亦驚死土人爲像祀之數有靈饗郡大旱
有司每虔禱迎母母至輒大澍

帝遣祝融封海水跋烏渴飲神呵止三山石裂
綠塵飛鼇背半枯甲光紫桂於子子芝蓋團山
蒼天碧江鳴湍神巫胡呪踏風舞阿母高居玉
府寒湘烟細縮雙鬟小一葉隔江飛白旖風生
馬鬣碾車雲手撤天膏輸地媪漿涼糝潔告玄
功統統鼓聲香霧濛旗腳龍孫秋蚓細車箱魚
媵眼波紅弱流三萬窅何在十洲藥老無人采
珮裏珠光如玉盤好借吸乾娑竭海

高池謠

高池遺壁華陰使碭山真氣如流水珠扃曙夜
爛明星牧羊之子窺魚燈空空下天豈不錮銀
海金鳧忽飛去雨消玉馬澀秋烟嚙盡龍魚石
花吐酸風吹淚漫如澗礪劔有人登茂陵

都護行

龍沙連連城百雉廣場日射城烟紫天低牙帳
魚鱗開燕尾捎霞都護來下馬風髯吹颭颭翠
幙流波動金甲六花應鼓塵不飛龍鳥陰陽倏
開闔礮車雷野陣雲崩馬足踉踉如渡水奔蹙
忽疑行萬里欲蹋臯蘭平作砥須臾列戟寂無
聲烟冷平凝天若水都護下來神不驕蹴立營
門親射鷓鷃橫箭急錦雲墜萬騎前遮呼萬歲
願抽一羽天山平歲歲奉君君莫棄

蘭竹引

吳門王校書百穀嘗以馬姬所畫蘭竹題
詩其上贈予今姬且歿而校書老矣披圖
慨然系以此詩

怨竹愁蘭楚江尾欹煙濯露臨湘水玄磬黥墨
印驚鴻轉惜花冤抱春死穠情弱骨沈秋塵蔣
姨珮暖梨花新雙鸞霧影月輪細楊柳誰歌劉
采春阿敬心情詞宛轉渡口雨消涼夢短不獨
盤龍蛾影空書生鴉髻如鳧翁

古堂集卷二
蘇小小

錢唐何兒騎白馬日斜眼醉西陵下
蜨媒上下汎烟空粉華蘭露號春風
湖浮碎鏡荷爲蓋風曳織蘿動
褰帶豔骨埋香夢不消月下妖狐學
人拜

冷客吟

風花如夢雲冥冥五陵俠少春憑陵
雙童夾馬問何處馬熟秦蘅采芳路
山屏六曲小藏天柳窳銀塘顰欲烟
蟬鬢香霏寶釵暖眼纈紅潮玉

船滿瑛盤無聲罷躍瓊沉水火中歌
纂纂歌纂纂舞傴傴樂方宛轉入變多
呆愚半昏月低河南隣冷客束書卷
燈下空腸輓轡轉殘星睽睽鷄三號
觚稜日近天門遠

關山月

明月清秋夜關山奈別何桂輪光未
滿草露濕仍多團扇憐齊素單衫冷
越羅林霜疑曉液池鏡委圓波夢斷
宵砧徹愁驚旅鴈過因風將玉塞流
影度金河拭淚銷紅粉顰眉損翠蛾
白狼

猶轉戰朱鷺未賡歌
苜蓿騎胡馬烽煙散橐駝
深閨長閨寂芳歲易蹉跎
爲問征西將何時議
止戈

獨不見

日暖百花香天清雙蝶黃
菖蒲隱玉甃楊柳覆
金塘離思縈宵夢愁心倦
曉粧月寒晚膽鏡塵
暗合歡牀夜舞憐垂手
春游憶采芳故情那可
問新怨若爲忘捉搦閨中
曲盤陀塞外裝經時
沉鴈素蕩子隔漁陽
蝨粉銷文管蟲書上畫梁
鷓鴣仍引子鸚鵡尚呼郎
容鬢韶年改風烟別
路長何時歌入塞笳吹
笑還鄉

愛妾換馬二首

佳人殊姣好神駿故權奇
易判傾城質難逢歡
玉姿笑譚揮絳袖拂拭控
青絲躡景歸新主行
雲傍阿誰驕嘶來上廐
掩泣下重帷他日薜蘿
路鳴鞭去莫遲

花外迴金勒尊前遣玉人
但看朱鬣好不惜翠
蛾顰駿蹴霜蹏玉鸞銷匣
鏡塵夜拋紈扇冷春

試障泥新女子閨中態男兒塞外身亦知難再
得不敢失騏驎

夔州竹枝歌

巫山巫峽路難憑灘一灣來山一層上峽雖遲
來却速有朝一日下江陵
灩澦灘偏與水爭水奔石怒作雷鳴不知嗚咽
緣何事好似郎心長不平

山精曾作音佐蜀王妃又傳望帝化催歸明鏡尚
留墳上石催歸長向武擔飛

後園隙地種胡麻鷓鴣飛上紫荊花白酒黃雞
儂自有錦城雖樂不如家

天際遙看是瞿塘百丈牽江一水長纔過黃牛
還白馬爭教客鬣不成霜

人言宋玉恁荒唐浪傳神女下巫陽秋來好作
還家夢舟過陽臺莫漫狂

釃酒黃陵古廟中也知來去不相同上水苦難
來水易願神莫送下船風

企喻歌六首

健兒赴沙場永隔親與舊結交異姓歡生死得相救

誰言金極堅金堅未爲極願得弟兄心生死長不易

有粟當共舂有布當共縫我心無偏頗甘苦得相從

作將須作捷作軍須作伴一箭折不難十箭折不斷

生兒遠從征不如不生兒有痛儂自憐呼母亦

何爲

阿母生健兒不作阿母力健兒在萬里呼母何渠益

瑯琊王歌五首

男兒如縑鷹有錢始插翼買酒就壚頭寧論兩相直

林深鸛鵲驕水深魴鯉躍游子投主人願主長安樂

瑯琊大道王車騎何爛爛夾轂紫髯奴一盧呼

十萬

瑯琊大道王瑯琊復瑯琊前有七寶蓋後有七
香車

人馬去如龍雄猛不相下除是廣平公方能騎
此馬

上聲歌四首

男兒水性蟲百折不可迴一旦化風燭寸心忽
成灰

情癡因有情無情癡更絕儂見鏡中花引手欲

攀折

人言儂了了我言儂漫漫相見不綢繆縫衣過
夜半

別儂忽經時見儂定歡喜寧知相見時掩泣不
得止

橫塘曲

玉人弄柔櫓掩抑橫塘歌紅烟流半僻光風動
湖波盈盈忽不見脈脈傷如何雲散數峯出潭
上青差峩

紫騮馬

赤驃弄嬌嘶長風入四蹏玉鞭輕未下朱鬣翦
初齊性潔嚴芻秣材馴習鼓鞞健兒兩相得心
事玉關西

梅花落

一樹照銀塘朝光動曲廊雪添殘處片風和落
餘香遲暮愁難寄關河夢易忘折來不自惜掩
鏡濕唬粧

閨思

好是朝來嬾獨愁明鏡前徵期恒失半追夢不
成圓柳暗晴疑雨花深暖欲烟何時分笑靨滿
眼賸春眠

春游女

游女繫春情花明屢誤更曙粧殊未竟鄰伴已
相迎巧鬪山眉淺寒禁霧縠輕小姑初出戶失
喜報新晴

燕臺古意

飛鳥動曉光日照鬱金堂露井桃花短銀塘柳

葉長明珠縈帳額却月覆釵梁髮鬢珊瑚枕餘
歡半昵牀

疋練擁霞綃相憐馬影驕儂家一步地玉河雙
板橋輕愁復輕笑含怨本含嬌不比鑿江水朝
朝暮暮潮

盈盈曲房下步步綺窗前拂鏡鸞銷翠彈箏鴈
促絃池分花並笑月愛影雙憐莫學劉生俠邀
封向酒泉

雙尊設夜酒三月試春羅碧玉工言語青琴善
笑歌千金常恨少百歲詎云多誤殺金吾子通
詞託素波

長安少年行

太平天子都俠少美清曠遨遊分勝日調笑就
當壚官柳藏三市宮槐夾九衢千金消一擲每
道不曾輸

春江詞

初日漾微波東風吹越羅桃葉渡江檝蒲帆上
水歌楊花隨處有春酒因人多隔浦遙相識盈

盈問阿那

有巢者阿

有巢者阿鬱乎纍纍人行塚中不知其悲草蕭
蕭來兮班駘

同生曲

沙上鴛鴦接翅飛鏡花雙笑午風微但願蓮房
齊結子不辭露下褪紅衣
竝蒂連房一樣妍一莖偏得兩頭蓮露珠不定
隨風轉個不成圓個又圓

塞下曲七首

南獵單于北掃胡高秋牧馬出飛狐校前裨將
新車騎戲下鉗奴舊骨都

半規明月照燕山一夜秋風入漢關萬里黃雲
沙漠漠健兒騎馬射鵬還

營門閃閃掣霓旌壯士吹笳月滿城緩帶幕中
多揖客夜深燈火罷談兵

交河莽莽接狼煙風急榆關漢月懸車騎飲冰
朝受命鐵衣犯雪夜臨邊

城上驚飛白項烏黃蒿隱見跳黃狐數聲刁斗
殘星落獵獵酸風亂馬呼
春草年年怨別離生還不分及瓜時天寒蟣蝨
生金甲雪暗龍蛇落畫旗
雪添宿將明朝鬢霜敝征夫五夜裘事往書生
輕血戰浪聞鵠印拜通侯

俠客行

不受平原國士恩夜駟騮馬出夷門酒酣笑睨
蓮花鏢肝膽逢人未易論

捉搦歌

峭颿須快風快馬須健兒及時不作樂安用錢
刀爲

錢刀千萬餘去作陽翟賈大婦炙笙簧小婦前
谿舞

大兒如踞彪小兒氣食牛大兒火浣衣小兒狐
白裘

壚頭夜呼盧千金輕一擲笑殺南鄰翁白頭一
縫掖

大隄曲

大隄臨漢水。水上朱樓起。日莫嬌殺儂。窺妝明鏡裏。

郎來何洩洩。投策向儂家。階前楊柳樹。繫却犁

眉騎。江月明可掇。鳧舟小於葉。與郎爲水嬉。乘流不須楫。

汲古堂集卷之三

五言古體

山雨閣

東甌何白无斜著

有滄興崇岡。玄陰轉淒薄。微雨自遠集。祁祁度江郭。密翠結重林。寒淙漱幽壑。散髮披縹緗。平明坐茵閣。猗蘭冒綠蕤。天桃破丹萼。疎麻時未華。新篁始苞籜。常恐鷓鴣鳴。涼風振飛藿。撫化徵在今。履往慨如昨。悲來命尊酒。持觴望寥廓。

夙好時不存。喟焉念離索。

詠懷十二首

春陽無私阿。吹萬揚其華。層林吐潛穎。叢薄敷丹葩。羣芳泫晨露。總翠披朝霞。寒谷有孤桐。託根交礪砢。繁霜封下條。密霰塗高柯。鄒律不復作。歲晏長婆娑。

旅客惡離聲。況與所知別。豈不戒前途。牽衣遽能發。僕御中夜飯。昧旦踐冰雪。衆星爛以繁。游雲互明滅。夷猶循江介。引領望天末。寒飈鳴枯

桑空林動蕭。屑。裹土歎滂淫。感舊思超忽。搖搖颺風旂。肅肅離弦筈。百年天地間。胡爲歎淪沒。桂樹何團團。桂枝何濯濯。人言故鄉惡。不願它鄉樂。

憶昔十四五。歎行無前堅。長飈鼓洪濤。飛雲薄高天。神逞與之俱。躍然思孤騫。少齒不恒處。一紀忽我捐。宿瘵銷精剛。繞指兒女前。快隨境易盡。壯與年俱遷。雄心日拓落。思耕南垞田。南垞美丘壑。蔥蒨復芊眠。深澗饒靈藥。丰茸冒紫烟。

禾黍秀廣隰烟蕪暖平阡野藪不待藝山厨自
疏泉逸民吐芳訊近枉招隱篇終當協幽期素
襟良以宣

邈徊遵廣陌游目曠無垠晷運變金素凜冽寒
中人枯林激勁響崇岡翳玄雲霜露蔽平楚狐
兔跳荒榛所次鮮故物幽陰明積燐行邁以延
佇疊疊交悲辛誰憐漆室女長嘯非襄春

埏埴以爲陶斷木以爲尊混沌死其質太素日
已利在愚傾智力居蚩希令顏來者殊未央去
者何班班不見三尺童簪簪盱衡問

結髮充下陳侍君金幄前葛藟附喬枝兩意相
纏綿燕婉未畢席恩幸忽中遷玉澤揚雙眸夙
管中所驩翠翰象雙蛾夙昔中所憐晚晚亦自
媿胡爲蒙棄捐妾豈有新故君自爲蚩妍未光
不我燭授色空聯娟

帝堯讓天下武仲暢高辭君乎行歸休無用天
下爲鼯鼠期滿腹鷓鴣蔭一枝庖人不治庖尸
祝寧代之逃之舍逆旅竊冠來見疑咄嗟小夫

智竿牘殫精思斤鷄翔蓬蒿蒼蠅越庭階章亥
步四極但爲爾輩嗤

慶者朝在閭吊者昏在門慶吊相倚薄生死迭
朝昏往者解其弢來者麗于藩白雲出滄海黃
鵠離哉翻有身無羽翼安能去卑喧憂來其如
何且爲陶一尊

素商鳴枯林氣肅寒蕭蕭秣馬僻蒼鷹鷹厲馬
亦驕象弧佩兩鞬俠少三五曹並轡出平陸獵
射向遠郊鳴弓期飲羽剗革試吹毛荒荆起窮

兔青雲落雙鷗足下無峻阪飛鞚越山椒藉草
選平野割鮮付中庖未知白日暮所志貴輕僿
迭宕娛心意一旦劇千朝胡爲豎儒子白首隱
蓬蒿

平原見遺構鬼冢王者居百常擢飛觀十里亘
長衢毳兔襲堂下澤雉雒前除虹蜺落井幹綠
錢蝕丹樞塵序歇鍾簾松風起笙竽斷碣臥宿
莽何代爲誰歟身名悵已往榮執皆焉如一下
雍門涕拊膺獨躊躇

亮節須勁絃晚歲須良田鳧以材自衛樗以不
材全萸稗勝五穀棗蕢蕞芳荃君自行仁義安
用旁人憐守黑以爲式先民有遺言

望舒翳繁雲熠燿揚微光羲和出東海燭火戢
餘明鸞鳩何宛宛閒止鳴于桑鳳凰擊千仞鯤
鵬薄天翔壯夫志往古齊民營故常出門駕言
邁驅車覽大荒春華一以擲老大用惋傷

感述十首

春氣被廣宇步出城東隈萸楊覆綠水鳴鳥和

喑喑粲粲彼姝子被服何麗佳矯若華雲舒流
光與徘徊掩抑有餘思望遠若有懷明璫徒在
御蹇脩誰爲媒容光曠難接日暮空遲迴

離離豫章樹童童北山頭本是同根株斧斤來
見求裁爲合歡殿匠石窮彫鏤丹漆自相結虬
龍自相糺正直固本性美材翻見尤寄謝樗與
楠何當守故丘

濯濯吐綬鳥錦毛五文章朝飲華池流暮啜玄
圃糧照水每矜誇竊比鳳與皇何意北山羅巨

雲方高張羽翮忽見觸鼎俎已在傍質微不自
衛德薄宜見傷安知冥冥羽寥廓方高翔

白龍銜明珠罔罔吐明月一星豫且網江海徒
空闊本為報君恩何虞見屠割失據將安歸壯
士空拔血

游子撫長劔出門萬里餘黃鵠厲其翼四海在
須臾寧知天游子揮斥窮八區登高望城郭粲
粲里與廬炙簧間鳴瑟出入王侯居氣候咫尺
間寒燠亦已殊蟣蝨處禪帶亦有逍遙墟

貧士懷溝壑所憂飢與寒寧知陰陽患亦在狐
貉濫沉復厭剗剗膏火中自煎彼此既共之茲
理將誰詮緬彼古賢達寒暑疇能遷易足罕有
闕至淡無所先清風颯然至自謂羲皇前

志士秉貞則沖淵恥浮誇靜女懷幽閑婉孌謝
紛葩中園盛桃李粲粲揚其華乃知招搖者豔
笑方同車

幽并有奇士猛氣聞流沙應變若轉轂操略無
常家適感風雲會為君行負戈一戰舉老上再

戰收渾邪忽朝入讒間蟻穴潰江河東市向天
歎日盡將如何
義義文杏堂兄弟有四五三兄侍中郎車馬爛
門戶二弟縣小吏盈盈出公府堂上具酒漿堂
下陳鐘鼓阿母邯鄲倡阿翁陽翟賈翁年七十
餘十九在行旅問翁今何之揚帆下荆楚
禾首倏已變中野塗朝霜葛屨不適趾內手知
風涼出門有合轍回堂或殊方琴歌斗酒宴婉
變輸中腸相於且相樂明日非所量

飲酒五首

何生故廓落以不任力作故貧貧無事事
迺事事酒耳熱放歌聊以自見命曰飲酒

今日有名酒勿好多驩棕園禽懷好倡豈必拊
鍾鏞林菘晚登萼豈必割鮮豐班坐屢迷次爵
行或連雙上客稱旣醉淥尊辭載空客散夕霏
暝素月隱東峯嘯傲得所遣庶以養顓蒙

孤根居後零陵茗乃先替的的春陽花安能及
秋媚宿昔繁華子過時歎凋悴昔聞王子喬寥

天獨遊戲未假鶴背風天路亦茫昧愚者居其
華達人解冥會不如九醞醑優游以爲歲

夷世無窘步明時多俊民生也失其方坎墮嬗
相因世路坐自左瓠落無所成汲流幽磻底伐
木清江瀆晨起戲稚子欣然遂忘貧歡言命春
醕燕筵及芳辰養真謝天伐襄古躡清塵偃仰
秉微尚冀與達人論

昔我二三子周旋大澤中橫鶩下峻阪耳後但
生風趨足及奔兕翻手接飛鴻凌厲失千里四
瀆爲壘空年命若朝霜本根離斷蓬青髻幾奄
忽伯強不相容白日隔長夜枯楊閔幽宮安用
千載名鉛墨殲其躬我今解沈飲達人以埃終
在世苦不足遺恨柴桑翁

曜靈欲西匿西山鬱差我白雲自南來翳止媚
層阿迴風被梧櫓流輝相盪摩托思每歎徃挈
杖聊婆娑來歸息欄下微月挂庭柯新婦罷機
杼中厨飭園蔬瓦盎開晚酌濁醪瀉春波數斟
已復醉拊缶還成歌貧賤自倨貴榮名當奈何

奉贈馮元成學憲四首時予客金閫

皦皦麗圓景衆星爛高天廣庭伐鴻鍾蜚聲何
淵淵青黃間黼黻微澤難爲宣志士營萬古寧
與齊民肩夕游瀛海外朝覽昆丘顛饑食瓊條
葢渴漱神漢泉飛飛野田雀願隨黃鵠旋雀小
毛質微鄙薄不足言黃鵠摩天風一舉周八延
玄鳥安事黔圓璣安事規物理有固然所性良
不移君子夙于邁行役遵九黎岑牟易文蛇園
冠冒雕題文教鬯荒裔皇風亦披披驅車下修

阪眷言循舊基莊馗多儁士大道何委蛇列象
自森著維天有南箕滑和誠乃疲含道故不攜
至人秉玄鑒觀寂游無倪

冉冉白日徂落落朱華逝一映百年中誰邁千
秋會萬里始履綦胡不策良驥中夜獨遘徊營
營愴忘寐攬衣不及緣出門誰爲媚傍人非一
心安能答予異妍者自爲妍齊姜坐顛顛

窮賤常畏人客行多苦辛旅食古城隅朱明移
芳春夕登崇臺上遠望饒風塵翳郭挺茂樹吐

澤出玄雲井里非吾土所邁少所親眷蒙君子
顧中懷俱未信既無雙玉盤何以通殷勤日夕
攬容暉結夢交心神

贈王涵虛

峯芳涉江介江介多驚瀾上游不可觸下游風
以寒葇蒹被原澤奈彼萑與蘭羨子秉高韻發
精善閉關珍篋翳林樾葯房負山樊日夕接清
燕塵襟一以殫萬里無迅波千頃涵激淵方流
媚餘暉鑒止披玄言胡爲走紛境杯酒生憂患
永矢保貞素歲晏期來旋

三子詩

三子爲王子贊夫張子叔相王子用敬贊
夫被服儒者悛悛質行叔相赴義慷慨所
在賢豪虛左之用敬闇無文矣至譚名理
超超玄著總之博雅適逸寔東南竹箭也
三子者故相善亦善予

贊夫好脩士沈冥應舒卷黃河觸崑崙伊誰瞰
清淺澆澗竹素園微辭亦玄遠大音本希聲居

訥乃至辨。千秋寸心長。孰謂君卿短。

張子叔相

爾生季葉後。深心託千古。爾居東海壖。蘋焉卑九土。玄液漱菽林。縣流寫譚塵。意氣莽無前。賢豪盡虛左。濡翰蔚千言。天吳泣夜雨。

王子用敬

王郎丹臺籍。誤落風塵緣。咄哉誰氏子。乃在帝象先。嗒爾如槁木。冷然出冥筌。紫髯張繞喙。超超吐玄言。

宿羅峯寺寄陳公衡令君

夙齡慕離俗。漸欣塵事疎。偶赴道人約。遂造雲中居。一磴入天色。臺殿涵空虛。曲廊轉深窅。南向開精廬。法侶兀相對。山影青衣裾。林吹蕩香氣。錦函開寶書。石鼎煮新茗。飛泉落中厨。已覺羣有泯。坐令諸累祛。寄言軒冕客。深心方晏如。吳仙姑詩二章。仙姑爲張惟光文學大母也。靈跡甚著。

神秀啓泰媪。靈脩謝紛葩。真氣漱元津。容光揚

游古室集卷三
十一
薜華。金記授南岳。默念朝東華。豈不處喧卑。深
心託高遐。七筵閉兩扉。玉根發靈芽。蛻彼稠濁
境。睠言凌九霞。登晨擁絳節。神飈翼鸞車。嗟彼
下土士。胡能測其涯。

青金襲氣母。上元竦靈步。萼綠旣飈行。麻姑亦
霞鶩。乘蹻跋太虛。橫空以徑度。翱翔三素雲。游
戲雙珠樹。母氏寔聖善。應世徇所務。玄德苞上
真。令儀表貞素。琬琰已書名。人間或形寓。天鼓
隱泥丸。翛然啓仙路。茗榮怨素商。芳翹委霜露。

事往迹空存。神飛形若遇。碧落何次寥。緬邈游
仙賦。

夜懷

微月起東嶺。西林生素光。漸漸度松杪。照我窻
間牀。秋氣送餘爽。池風延夕涼。百念忽如繹。偏
來茲夜長。

甌江曉發

雞鳴啓巖城。游子遲明發。篙師趣楊舲。征橈暝
相戛。淒絜交遠風。沿洄盪寒月。海霧亘微茫。江

流但溲蕩。扶桑蒸赤霞。東方漸昭晰。四望珊瑚
平。翛然坐溟渤。

白鹿社成同諸子集謝康樂西射堂訓社
長龍君御先生得行字

躡步西射堂。西岑何崢嶸。宿楚交遠風。虛欄閔
幽清。池草寒未歇。園禽時變聲。謝客昔剖竹。登
頓窮山行。一麾樹秬苑。於焉浣塵纓。斷礎非故
物。方塘猶故名。夫子後來秀。橫鶩軼羣英。芳筵
集時彥。雄心托沈冥。擗藻振前列。醜酒吊山靈。
驗故無淺寓。悲新緬深情。茲往知爲誰。俛仰空
怍怍。天地若旦暮。日月無機停。唯有盈尊酒。庶
幾稱達生。

陳公衡明府服除北上以書招予不果往
賦寄四章

鮮飈扇平野。白露塗高梧。涼氣率已厲。素月鑒
前除。漉漉石下泉。濯濯遡文魚。遺我一函素。長
跼開素書。上言久伉離。下言鬱以紆。自我與侯
別。日月不恒居。豈無青琅玕。聊以致區區。山川

莽難卽炎海不可踰。縻縻向永夕。僮徊獨蹢躅。

維侯昔于邁。駕言循舊疆。方舟別江介。江流日
湯湯。河漢隔牛女。機杼不成章。枉渚信洄潮。風
波奄相望。疏麻擢素華。蘭薄雜幽芳。豈不懷同
好。侘傺不遑將。我心自昭晰。匪侯誰見明。悲歌
激迴風。壯夫鬱不揚。

食蓼常苦辛。衣葛常苦寒。居人念鄉故。寧知道
路艱。道路旣不易。前期何由敦。夙昔夢容輝。被
服都且閒。遺愛常在去。別遠易爲驩。中情申婉

變展轉隔河關。攬衣不能寐。撫琴獨流歎。

飭駕戒徒御。肅穆揚光儀。昧旦念王程。眷言遵
皇畿。緬昔宰江邑。胡爲倏去茲。冬日同所愛。春
陽無匪宜。大造不偏阿。誰能答其機。維以被八
荒。豈曰寒谷私。願言崇明德。歲晏獲所期。

同龍君御劉忠父王季中咏得松際露微

月

悠悠美清夜。松月湛華滋。素娥媵寒兔。纖阿駕
赤螭。歲蕤紛翠葆。的皪動金支。彩暈盪千鬣。蒼

雲隱半規乍展火齊屏交映珊瑚枝移陰清覆
地流輝低入帷歲晏中林思佳人浚谷期無能
駐清影君來復幾時

荅王伯度孝廉

孤雲行待族介麋鳴索羣清風扇中野芳草揚
其芬在物各有媚人生亦相因之子振嘉運玄
龍躍雲津神期託疇昔婉婉甌之濱結言展中
情風義良已親興文軼時軌遵塗響然臻秋條
綴朱實纍纍一何蕢豈比茗與薺朝榮委颺塵

汨汨向千載此義誰當陳

玉衡改玄律芳歲熙青陽化離感流邁驅車辭
故鄉公子敦夙好肅容登高堂林園奉清讌列
簋交圓方蘭阪暖素月文魚躍方塘深夜駐玄
景明燈爛朱光鮮澤被華薄夕穎揚微芳婉孌
二三子顧我相徜徉採藻粲朝霞陳義明秋霜
躡步良以窘踟躕岐路傍聽曲苟不答誰為發
高倡撫壯惜往日興懷增慨慷

時予客伯度尊
公無漏園同金

元玉林孺苞
諸君子結盟

文鸞始離殼。鼓翮無璇霄。龍駒竦閭闔。長鳴躡
流颺。若人挺明淑。英聲起方髻。靈賞契夙惠。神
理資玄超。遠韻聳烟嶠。清棕映霞標。夙昔邁昌
運。遜才冠時髦。漢貂繼高軌。今問能宣昭。白馬
金匝匿名都。美游遨文昌。鬱雙闕。只尺未見招。
被褐隱明月。焉知中所操。霜幹豈不苦。蔚爲百
尺條。願假六月息。水擊搏扶搖。

天台與天通。高高上無窮。是何三老公。松喬與
韓終。雲嬉驂白鹿。天游駕飛鴻。囊有一丸藥。燁

如五采虹。服食延萬億。羽翰凌長風。我欲徃從
之。捫蘿躡龍從。朝棲紫烟館。夕憩青霞宮。長跼
乞此藥。綠筋變方瞳。霧術渺難卽。金繩懸高空。
僊路信可討。人世難爲工。願君抱貞則。年壽侔
華嵩。時予將討天台之勝。伯度以病不暇同往。

重過龍溪舊隱輓王恒叔先生四首

予從丁亥歲過訪先生。今再宿山中。俛仰
已十六年。而先生墓草宿矣。慨然成篇。
挈杖城東門。僮徊青谿陰。茹歎惑故術。含悽遵

舊林興言眷明德永慨交予襟懿彼萬夫特容
暉蔚璆琳結志太初上抗跡青霄岑韜世寄遐
矚練景託深心脩辭準前哲神解流徽音夙昔
展良覲縹馬蘅臯潯晤言愜宴娛披豁共窺臨
涉瀨漱清冽登臺眺嶇嶸奇文旣間作芳尊亦
時斟徂運逝不處代謝迭相尋長往隨化遷晚
晚行已侵緣情一停憩結轡疇能禁宿莽日潛
翳春翹自幽森淒飈虛牖繁英矯鳴禽跡邁
感不淺憂來感彌深掩抑山陽賦悵悵雍門

琴門

昔遊休明會陽德方會昌夫子翳朱鳳天衢歛
來翔苞彩挾星漢離離五文章千秋一嘉遇薄
言甌水疆顧予粲玉齒詒以瓊佩纒薌澤襲四
座菲菲吐芬芳乃謂爨下桐出自嶧山陽樛枝
塗密霰孤根凌嚴霜斲之絙朱絲泠泠發高倡
上弦中流徵下弦叶清商何意垂朽材得充君
子堂昔棄豈殊質今收乃稱良懷此太古心天
地浩茫茫一往不可復零落歸山岡絕慟將何
言人琴慨俱亡

至人練正靈。玄思薄寥廓。駕言命玉鸞。天行周

五岳。

公有五岳游
草行于世

觀日捫岱宗。探書討衡霍。三

花擷少室。鳳吹聞伊洛。爰躡太華蹤。載寄恒山
矚。翱翔覽無垠。垂言良有托。仙人王子喬。中天
自乘蹻。胡弗挈其祛。從之乞靈藥。悲同座隅鵬。
事異雕陵鵲。平生意若人。淵情抱沖漠。觀化排
冥筌。匪爲世人度。千載一來歸。寧知華表鶴。
乘化會歸盡。一氣相推遷。彭殤匪異致。良爲今
古然。天路絕宵眇。羽客徒空筌。太上葆玄德。餘

緒垂微言。夫子應靈符。發藻瓊臺間。禹跡達九
土。夾步窮八埏。逖覽極神變。含毫多所宣。桑記
相蕩涵。郭經表沖淵。功成告靈嶽。襲以青瑤編。
粲粲當路子。被服都且鮮。鮮華就霜實。微芳逐
時捐。寧知霏霄士。飈車戲紫烟。磊磊澗中石。鬱
鬱山陽阡。埋劔吐雲虹。騰光燭高天。

輓林初陽先生二首。余昔過赤城。得侍先
生杖履。茲來先生已。切其孫孺苞。孝廉孺
敷進士。向予道故。遂有此述。

漢古堂集卷三
丈人南國植董道乘孤操。寔抱濟物心。乘時托
埋照。沖情寄霞表。杜機臨海嶠。余昔侍巾綦。裒
然顧余笑。遐舉接鴻冥。高騫發鸞嘯。陰陽一以
移。瓊臺掩丹竈。明德久彌芬。情至能無悼。
休明恍若存。神明安所之。獨與溟滓游。泯泯渺
難期。譬彼介丘石。玄雲鬱未施。造物發其藏。膏
澤良在茲。龍門千尺桐。亭亭擢孫枝。伶倫合文
梓。師曠摠朱絲。裁爲清廟器。蜚音中咸池。

白門送梅泰符走楚哭丘潮州

朱陵奠南服。沅湘浩東注。靈氣猶紛郁。遺墟亦
昭著。王風久不陳。餘波襲其故。將子興楚謠。含
悽卽長路。水國極洄沿。鳧舟獨橫鶩。擊汰遵鄂
渚。僮徊以反顧。眷言襄伊人。沉憂托毫素。巫咸
不可要。惻愴招魂賦。

惻愴將何言。淚爲故人滋。徽音一以聞。三年倏
於茲。宿莽被馬鬣。拱木嘯寒鴟。念子敦夙好。素
車赴冥期。神寓恒若存。形往歲載睽。恍恍若有
覲。芝輪蔭桂旗。千古掬寸心。醜酒一噉辭。

雜詩十三首舟行彭城道中作

泠泠出谷颺剌剌垂天雲。駘彼晨風烏厲羽逸
其羣。駸牛夾雙轅殷殷車下輪。去去遠游子客
行多悲辛。

織阿麗天漢丹雲翼其輝。迴景燭幽闥流光自
逶迤。粲粲彼姝子。腕腕瑤窻裏。素手絙清瑟哀
音汜流徵。憂痗迫中腸。絲棼不堪理。開筇攬吳
刀。獨製鴛鴦綺。

洪波多縱鱗。迅風無鍛羽。北山張虞羅。大澤施
網罟。穿深割中庖。排虛登机俎。神鸞飾樊籠。鷄
鷓饗鐘鼓。麒麟游于郊。非時或遭脯。

天駟被龍章。歎玉出西極。洼渥降房精。一夜風
雷集。橫絕躡神颺。萬里一再息。反顧笑渠黃。飲
齧苦羈馱。穆滿世不逢。權竒伏槽櫪。

驅馬上高原。總轡望都邑。春風蕩稜氣。飛沙亦
蕭瑟。遺基居無人。我稼傷螿賊。玄夜宿通津。菰
蘆有鳴鏑。戒心不遑寧。幽憂起終夕。九譯來越
裳。三舍退熒惑。人理天不違。休哉在修德。

策我千里駿。被我千金裘。賓御塞莊。飛蓋蔭
華輶。飭燕陳廣坐。中庖出芳羞。北里徵奇舞。陽
阿奏名謳。飄忽寄一世。寧必非良謀。綺歲不恒
處。日月行復遒。已矣復何道。登高眺層丘。
方艦遵彭城。暮上歌風臺。神焱扇楸柏。千里浮
青埃。靈氣莽川澤。故跡唯蒿萊。日夕下平陸。慷
慨獨遭迴。

明月起大荒。東照黃河流。迴風吹沙礫。楊柳何
修修。登艦眺清景。河干悵夷猷。情至交悲緒。感
集無歡謳。身以金石固。培塿懷百憂。

隕葉戀故條。飛禽思舊林。允彼鍾儀奏。信茲莊
鳥吟。結念旣履昔。興懷徵在今。客子歎濡跡。風
波互浮沉。所趣旣殊轍。欲和誰同音。冷風無勁
響。游子多畏心。

淮水化微禽。淮土變嘉樹。風氣一以殊。誰能測
其度。伊余本丘樊。行行獨淪誤。徂春辭南畿。驅
車首北路。晨起踐修塗。陰曠觸烟霧。悁脰望故
鄉。玄鬢忽改素。

大澤眇以懸。曜靈迫西下。風吹草茫茫。千里見原野。北眺梁父遙。東望黃河瀉。愁陰雄鬼呼。野火殘碑赭。伯氣故淪亡。遺風未銷冶。少年纓長纓。鳴鞭策征馬。

日月經天地。江河下歸墟。吹萬自森著。誰能運冥樞。巨靈摩泰華。象罔探玄珠。七聖或迷轍。襄童乃知途。

珠玉本無脛。桃李竟何言。雅鄭不同賞。玄黃亦殊觀。記室抱心廬。執戟疲守官。綴辭擬子虛。參經著玄言。時人習且蔑。寂寂楮墨間。寧知百代後。流輝燭雲天。

同潘景升游西山宿摩訶菴聽無絃上人

彈琴

山客習丘樊。繕性狎麋鹿。帝里集車徒。風塵駭游矚。出郭緬翠微。清襟忽如沐。挾客造精廬。丹青被林谷。崇構鬱霞興。層欄奏雲族。寶地涌香臺。瑤墀蔭珍木。禪味挹醍醐。鼻觀聞蒼蘂。頴公緼朱絲。爲我理清曲。逸響激飛泉。微音曼哀玉。

爰鼓一再行。松風逗清穆。涼月暖前楹。虛廊散
餘燠。境寂梵唄分。夜久微吟續。樓陰斜漢傾。聯
衾聊假宿。神虛耿不眠。寤言候清旭。
摩訶菴懷愚公
畏路思安車。幻流須慧楫。孤生惑多岐。迷津渺
難涉。之子無前期。往願何繇愜。松枝徒攀翻。碧
雲暮猶合。鮮焱激巖泉。泠泠互相答。耿耿累長
夜。朱燈鑒虛榻。撫枕聞晨鐘。欲暝不遑暎。

香山寺景升作

神鼎奠冀方。皇圖拓鴻基。萬象盡奔奏。百靈悉
來歸。象教亦云興。佛日曄有輝。叢雲切飛觀。穹
窿象太微。竒樹竦瑠幹。扶踈歛朝霏。高下麗丹
牖。霞扃接雲扉。孤亭抗山半。厓壁含靈暉。鬱秀
表懿翰。燁燁雙鸞飛。山半有亭扁題鬱秀二字
慈聖太后筆也。來青軒名共憑憩。風煙頰郊圻。迴
颺扇浮翠。流光動垣衣。晤對契玄賞。息心冥道
機。尚覺土木勝。逼背爛菲菲。獨往坐磐石。志寧
愴無違。

從香山西嶺登山頂游虹光寺入寺禮千
佛殿殿圓如規金碧輝麗創自成化間中
貴人倣高麗金剛山遺製也

叢樾冒重巒盤紆陟西嶺振衣上嶺屹冷然出
中頂下瞰極平郊湖光風日迴野曠薄烟霏波
晴含藻景崇殿法上玄規儼園儀影千佛灌交
光悅集耆閣境晝寂林藹繁日永茁花靜鞭心
初地餘忘言泯機警

宿香山不青軒遲程仲權不至同景升作
層軒抗雙峯乍陰暝葱蒨斜景半平陸依依見
畿甸晞髮坐藜牀遠目恬流觀夜寂玉繩低雲
窻澹河漢方外洽遜賢微言接清燕逖覽向平
始薄游長卿倦伊人渺難期宣心用濡翰

碧雲寺

振策躡陁岷碧雲麗中天近覽數峯合藻拱開
青蓮馳阪迤高下叢林蔚裕縣分戶剖迴澗滿
寺聞流泉宮監溢檀施布地編金錢方甃瑩澂
澈朱魚躍清漣窮探卓錫處雲竇飛潺湲挹勝

冥方榭光風浮碧鮮璇題灑宸翰天矯龍鳳騫

亭中扁書皆今上御筆也景運遘熙洽睿想存重玄撫化肆

遐賞周覽方泠然殮和游化國擊壤綴斯篇

游玉泉憩呂公洞晚眺望湖亭作

玉泉苾山腹雲根吐微細甘比白牛乳沉沉散

溶滴滿月象迴塘日華鏡光碎魚泳若靡依空

明絕纖翳懷僊憩巖扃玄蹤久巖闕石髓尚晶

熒幽芳故菴鵲丹書事恍惚百齡隨委蛻載眺

湖上亭澹沲烟無際冥冥夕吹生冉冉孤雲曳

忽憶故山游漁歌出蘭棹

游西湖過功德寺至高梁橋作

林轉湖陰長延眺極厓鄂遠水冒芙蓉迴渚紛

蘅若循徑詣招提壇峙仍巖錯瑤水駿馭迴跡

往空綿邈猶想雲罕臨香花間天樂劫火淨空

王礎蓮卧叢薄出寺遵長碕林堦紛以漠高柳

蔽層霄重陰若施幕雙溪貫交流文儵信潛躍

情宣忘滯淫日接饒歡譖日入送歸禽懷土心

靡託

四子詩

吳叔承參軍

叔承寔散吏微尚懷高深漆園寄婆娑大道貴
浮沉冠劔傾宛洛車騎何駸駸耳熱被弦歌小
史激繁音休沐有時間含咀竹素林誰云沈下
察千秋托遐心

程仲權高逸

謾謾谷中音落落松與柏颯沓疏遠風鬱術承
煙液伊人秉高韻遺榮漱泉石遲我心所期清
徽樂晨夕藺茗紛可搴瑤華亦屢摘感彼蟋蟀
倡飛鴻送歸客德音義所敦歲晏永無斁

潘景升太學

潘郎鬢尚髯刪述窺千秋玄璧不自剖三獻荆
山璆千里赴客難破產不爲憂悄脰昔已屢曠
若女與牛有欲神乃通惠然與我仇朔雲蔽原
野蕭蕭易水流小人媮自娛烈士千古謀向風
倚增歎虛涼欲何訕

黃賓王中秘

帝闕平日旦開中天麗金釧日下識芙蓉雲中見
鵙鵲弱冠直承明珥筆侍彤閣玉樹鬱青葱光
風汎蕙若間抽東觀書濡翰賦紅藥清夜接芳
筵素琴展娛謔蕭蕭原野秋歸雲思舊壑嘉會
不可常還期曠河岳袖中有短書儻寄東飛鶴
別三子詩六首

程仲權

悲風動碣石淅淅鳴枯桑越客念枌櫨胡鴈思
南翔蕭晨整車軸廣術一何長及關心屢折遵

塗情內傷念當與子別執手衢路傍徒御黯不
發繫馬亦悲鳴在昔勗我私中夜耿難忘順風
有疾響緩節無高唱努力事休德願言愛景光
誰謂河且廣一葦猶能杭

佇立以延矚破涕復且歌商聲厲以急迴風吹
中阿烈士多苦心高樹無寧柯將子遠于役驅
馬渡漳河驚禽念同集下瀨念同波曰歸諒匪
遠歲晏恐蹉跎幽谷懷好音因風託瑤華

潘景升

浮雲日千里黃鵠摩天游豨膏炙雙轂班班無
停輶游子懷往路明發難久留念茲盈尊酒晨
夕結綢繆綢繆未詎央日月一何適我行首清
和今已歷素秋朱實隕繁霜白露被梧楸嘉會
誠不易悲來難預謀惻惻何所道念子徒離憂
旭日耀神京車馬填城隅故人從東來雙轅夾
驪駒邂逅承清塵顧我惠前綏連蜷旣含睇婉
孌展交娛竦身入高雲薄言攬子祛明月照溟
渤衆星爛天衢陰陽有代序爲驩不恒居胡寧
當乖離山川阻殊塗黃岳蔚葱蒨清華軒帝都
誓將躡飛鴻從子探靈符

黃賓王

悠悠美清夜葯房自逶迤桂樹夾門生石蘭被
華滋主人起肅客謂客來何遲堂上置尊酒堂
下嗽清絲都梁凝餘澤金缸吐炎暉鷄鳴庭樹
白晨星已復稀出門卽長路淚下不可揮願言
保令德策名于清時
紫宮肅天居雙闕青雲端金闕何窅窅葳蕤結

重關南國有秀士秉德都且嫺眇昧不可卽中
夜獨流歎山川修且夔雲路亦漫漫我有牋綵
繒要之寄飛翰

南雁蕩紀游詩效長慶體

吾甌蓋有南北兩鴈蕩云北鴈吾家山也
與客冥討已得其槩唯南鴈越在昆陽洞
壑深宵荒塗阻絕名不挂于圖牒游者亦
罕至屢欲與好事者裹糧一往不可得時
想象神不啻一夕而九升也予友楊木父

管六韶雅負勝情約予偕往遂以甲申仲
夏發舟凡二日至前倉前倉寔南雁之支
山也午後過寶勝寺尋吳越錢王一宿樓
舊跡并覽動石黃公洞諸勝洞甚弘敞聞
之士人始由黃公開鑿或誤以爲黃石非
也洞上有平石如砥曰挾僊臺遠望江色
滌淼信竒觀也流覽旣畢是夕與二子宿
于寺枕上作紀游詩

前倉一丸城面江負崖嶠與客探幽竒撰杖出

南郭東行至山垂精藍隱叢薄寺左有高樓飛
甍嵌丹壑林杪瀉奔泉清池注寒玉古木爭蒙
龍垂藤互叅錯昔聞吳越王於焉曾止託猶存
一宿名往事空緬邈寺後躡層梯仄徑緣旁礪
上有兩巨石俯仰若相搏俯者名動巖撼之伸
以脚漸漸雲根移隱隱雷聲作莫測動靜機造
化疇能度東尋黃公洞排空石爲約礪礪盡穹
窿旁通更聯絡忽復達巖扃深敞還廓黃公
入爲誰可年事開鑿想見隱者流圖經頗厓畧

山洞登仙臺迢然欲飛躍遠望片月來金波接
蓬弱豈無琴高鯉定有浮丘鶴願攬化人祛一
奏鈞天樂寄謝海上翁吾將采靈藥

游黃公洞之次日將取道南雁客有談玉
蒼山之勝者媿媿不得休遂決筴先從南
港登蒼山然後降而北以達于南雁是夕
買舟蕭家渡乘月嘯歌舟人莫之測也

玉蒼巨叢霄雲關接天路客語慙前聞心神已
先驚亟謀二子俱夜發蕭家渡片月凌素波涼

風動高樹空江華月生霏霏藹輕霧濯足弄明
河長吟坐清露有時出狂言舟人眩相顧明發
俶煙褰期與神人遇

從蕭家渡易舟至黃浦次日登蒼山山在
萬山之頂磴道險絕凡歷三十餘里始底
寺寺曰法雲其丘壑雖無奇詭閎麗之觀
而四山幽寂如太始亦人世一絕境也中
有龐眉道人自言四十年無城市客至者
因乎道侶出迎欣慰甚至是夜止宿東樓

曉起禮佛畢游後山牛角巖諸勝頃之大
風拔木寒氣襲肌道人云山北有古湫神
龍所宅也故時有雲物之異詰旦問道南
鴈寺主遣一力送至焦山而返予爲惻然
別去

弱齡負奇抱超然懷遠游汎覽桑鄴編志欲窮
九州茲山拔昆壤秀出東南陬勝情協真侶詭
異期冥搜躡屩越重嶺谿深林木稠絕磴入微
宵脇息允三休散髮坐盤石風泉自颼颼山盡

地形拓徑轉雲林幽濺濺響石澗下注寒塘流
金光閃亂藻朱魚躍千頭百圍偃松櫪陰翳枝
相樛入林見古殿突兀彤霞浮道侶古冠服清
襟肅真脩楚然喜客至茗供交相訓晚爲具湯
沐筍蕨羅山羞禪機試深淺乍欣針芥投松明
照深夜宿客軒東樓魂清耿不寐枕冷先驚秋
星河影的歷野鹿聞咿啣曉起開北牖林光露
刃收掘衣禮金像鐘梵音悠悠回看身與世泛
石空江舟風塵日汨沒幻海隨飄漚相對忽自
笑跌坐聊遲留更探後山勝列藉依長楸倏看
雲物變山氣俄淒孛相傳龍所窟乍起掀靈湫
拳裳下迴徑凜冽思披裘拂枕更一宿塵心難
逗遛仍問南雁道未諳去所由寺主遠送客遙
指千峯頭又恐客迷誤爲客謀何週再遣沙彌
子相送焦山丘三朝抵千日欲發還夷猷臨岐
黯如醉不爲生離憂

下蒼山行五十里日晡宿報國寺

象教絕思議弘慈攝大千寧知萬山裏梵宇開

青蓮簷亞古陂竹階鳴寒澗泉道者出延客晚
就松窻眠深林躍飛鷗矯捷如烏鳶僮僕亦忘
倦時爲一哄然曉起欣霽景嵐嶺雲霞鮮輕屨
愜沙徑遡風骨疑仙

出報國寺行十餘里宵無人聲蓬藿荒穢
信猿狖所都也予時時以杖擊石或作歌
嘯聲以自壯二子頗瑟縮也頃之兩崖忽
斷芴一仄石隱隱若有行跡者予躍而登
再行數十武得沿溪小隄焉豈舊志所謂

采藥徑久第而不可考者殆此耶又行五
里許邃谷開朗峯巒竒拔峭嶮駭觀不可
名狀山下始有居人咸相訊稱異因指點
予渡溪至山半卽僊姑洞矣

十里不逢人惟聞水聲響一徑乍有無登頓窮
下上茵露毒侵衣茅花高拂顙作氣時嘯歌先
聲擊筇杖歷盡千萬峯目境忽開朗竒嶂削芙
蓉清溪秀菰蔣喜極遂忘疲狂呼還撫掌漸漸
見茅茨漁樵互來往乍見各驚疑扶攜共相訪

所遇雖經竒乘危得真賞寄語劉武陵桃源在
吾壤

由采藥徑折而南渡溪至半嶺抵仙姑洞
洞廣晦而羸上倚絕壁下臨陡岡洞前羣
峯銜異爭竒令人應接不暇卽昔仙姑得
道處

高也高

南渡寒溪水上凌千仞峯峯半忽開閨古洞開
靈瓏洞門據其會倒插千芙蓉終古積嵐藹石
林浮鬱蔥雲霞日摩盪相與青濛濛仙姑吸風

露想見冰雪容飈馭不可望碧落空飛鴻我來
屬朱夏晞髮踈冷風朝翳若木華夜宿方諸宮
塵骨一以蛻靈氣天爲通躡步呼二子霧術邀
相從

仙姑洞左側有小洞如閣橫木可登中有
石竇透天名曰月牖洞中僧玄柱借予從
月牖躍上捫葛數仞而達于絕頂上有石
梁天獅峯諸竒蹟在焉

洞中復有洞橫木危堪登月牖一規白天影如

懸冰躍從牖中入陡壁青峻嶒鳥路若垂縞直
上捫蒼藤瞥接掠鳥過捷隨飛狃騰石梁巨絕
頂高出朱霞層千峯競芳削萬壑爭奔崩試踞
天獅脊疑從灝氣升金膏賸堪采石髓殊未凝
爰有天游子偕此雲門僧何似希有鳥舒翼招

鷓鴣

信宿洞下曉別玄柱下山土人以小艇濟
客午後達江滸悵然有作

朝策討煙嶠夕息棲霞肩勝具亦告疲臨風別

山靈幽期悵何待矯首雲爲停篙師曉濟客方
舟艤蘋汀下瀨迅激矢石轉波泠泠目瞬萬峯
過潭底奔雲青一墮卽塵慮愒惘殊未寧靈境
忽已失冥心恍如醒

晚至枯蒼遇雨宿道院

危堞淡荒烟烏嘯古城夕鳴雨颯寒塘迴風轉
蕭瑟行客適投裴松堂閔虛寂踈燈耿寒衾簷
聲猶浙瀝遙想山齋秋風泉生枕席

偶書二首

身後千載名生前一杯酒志士與達人或唯或
否否稜裂者何人用以藉其口

屈平賦離騷楚亡與之亡賈誼懷治安漢昌與
之昌至寶不見剖鬱爲瓊琰章君今有何挾失
路還摧傷

汲古堂集卷之四

東甌何白无咎著

五言古體

因郝明府寄李太史本寧先生四首

木落寒氣集洞庭水增波飛鴻度炎海層冰亦
峩峩朝馳瑤臺轡夕夢凌九霞睠言思美人中
心亮靡它容輝若有覲燁燁敷薜華迴光燭廣
坐青雲出織阿雜佩何姣好一一揚紛葩精誠
感金石周澤無偏頗屏營望天末日暮將何如

騰蛇雖乘霧鳳德亦時衰豈若應龍姿淵沉復
天飛達人解冥會昭晰乘其幾解龜稅塵鞅辭
榮忽如遺粉櫛被問巷願言庶無違荆樹歡同
株藹藹蔭光儀斗酒會鄉曲列席隄清絲於忽
有遺操鹿門協前期悠悠向千載俛仰乃一時
下士日淪沒斥鷃游蕃籬

初陽御扶桑明霞麗高空上天垂光耀宛宛舒
彩虹江漢揚洪濤蕩滂由長風夫子秀鄢郢沆
瀣吞雲夢大始割溟滓玄橐闕鴻濛弱冠揆葩
藻奏賦甘泉宮黎光爛東壁黼黻煥華蟲薄言
振風雅颯颯起關中載建汝南節作藩維大邦
崇位豈不重所重寧必崇伊予不偶世誰與爲
媚容聲不出閭左無乃廷考鍾願言垂末光廻
照滄溟東

曰予窮術士蓬蒿翳負郭游心竹素園雅尚在
寥廓力田不逢年歲晏何以穫芳蘭委嚴霜言
采蕭與藿短後無竒溫寧知有狐貉澗溜置銜
中安能辯清濁日暮川無梁搖搖獨靡薄眇眇

懷思淫征心託玄漠倘因漢殿鳧飛書寄衡霍
丹陽舟中別王贊夫四首時贊夫應試北
上予取道白門

夙予慕高蹇耿介寡驩暱豈無平生親結念在
明德與子展交娛托躬在疇昔秋風吹蓬科駕
言各有適千里不羸糧方舟共行役窺臨昧昏
旦水游淹蓐食泛覽披圖經微言共昕夕中途
不克俱差池乖羽翮徒御起中夜仰眎明河白
罔罔向曙星枯桑鳴淅瀝介麋號空林羈雌嘯
寒澤而我獨何爲能無念離析

行旅日已遙沈憂轉延結平居軫離情況此異
鄉別哀樂易爲感復茲非稚節日暮次朱方舍
舟改行轍引領望神臯鍾陵渺天末積翠廓秋
氛芙蓉紛擘嶼念子遵修塗總轡首燕闕玄雲
蔽遠郊瀟瀟合冰雪宵征接鸞音日昃不遑輟
詎此幽賞悰翻令共忡悒願言策高名芳徽慰
寂蒺

隋珠不抵鵲棠谿寧刈荼昆丘爛琰琬碧海沈

海古堂集卷四
珊瑚至寶耀遐裔流輝騰上都之子秉內朗含
章契玄符高言揆天藻燁燁春華敷國器不自
剖奈此璠與璵儻徊望閭闔日暮空躊躇五雲
接霄漢鈎陳翼天居雜遝輳簪組虎觀集諸儒
金臺竦雲表列肆交莊達方茲離澳滌策名膺
令圖結志在千古榮問徒區區

浦東有雲構前抗吹臺峯朱英耀陽圃紅泉挂
南囟梅尉旣賓僊王子御飛鴻緬昔先大夫遺
榮亦丘中日登河上臺冀遇河上公翠鳥舞珠

樹青鳳鳴高桐興懷已云屢逸思招洄風羨子
契夙好雅尚懷淵冲萬里自茲始願言振高庸
吾歸樹枿檟遲子巢雲松無令北山誚歲晚冀
來同贊夫先大夫九岳先生有別業在浦東予
每有卜鄰之志

同張泰貞羅伯倫汪堯卿許觀甫賦得同
心而離居送文孝廉還吳得想字卽席作
晚晚西日積閒庭弘以敞明月皦寒輝空除散
清朗眇眇二三子結志層霞上高倡叶同音雅
和非孤賞胡爲生別離危絃裂哀響明發及流

潮舟人理行榜蘭薄搏涼颺中洲舉宿莽只尺
限河梁風濤修且廣陰陽一以邁芳徽間精爽
歲晏渺難期飛沈託遐想

上巳日同王伯無入天台游國清寺歷覽
五峯雙澗諸勝時西湖上人子萍談經方

丈

霽景款幽棕佳晨厲元巳登頓驚前竒遡遊方
此始惠風佇桐林洄流澆蘋汜蓮簇五峯合練
縈雙澗駛花宮象雲構駭綠披疑紫流覽稍忘
疲遲徊隨迤邐臥竈感唐年廢塔徵隋祀爰有
西泠師試演南宗指唯以一圓音集此四歡喜
何似九旬談天花紛塵尾伊予久塵境頓纓出
泥滓問法契無生同人云有美醉心匪壺觴薰
襟劇蘭芷嘅彼山陰賢羽卮浮曲水

望赤城玉京洞天

中阿澹斜景扶筇出烟臯引矚極西峴目恬神
欲超崇厓若連雉赤霞動高標聞有玉京洞茅
君所遊遨瑤芝旣薜靡金堂何閭寥大年感松

桂零霜悲艾蕭憩巖挹丹雷披蘿款靈颺日夕
獨延佇臨流奏長謠

同伯無從金地嶺過高明寺訪有門法師

寺在嶺下

瞻彼金地雲東行越脩嶺采探窅莫窮澗響林
逾靜采勝謝神疲玩芳忘路永下瞰廓迴坳峯
蓮吐靈境樹底見朱甍深深如埴井逶迤轉百
盤磴落窮懸綆璇榜署高明幽溪繞清洞大師
太末秀神鋒戢銛穎輝燄續然燈負荷雄扛鼎

肅容蔭茅菴山椒歛斜景道契目擊餘冥心緬
沈省玄對兩無言齋鍾送微暝

宿高明寺曉起禮佛飯畢同有門師暨上

天賦足幻由午亭數人散步幽溪大石上煮茗

賦詩已登圓通洞予書圓通洞三大字于

石并紀姓氏歲月頗極世外之致

夕枕水聲中晨衾山翠裏臥聞鐘梵歇惺心攬

衣起林廊暎蕭蔚爐煙餘旖旎紫磨艷金容朱

霞爛朝綺齋厨飯芳香園鮮薦清旨散步出山

門披襟信杖履倏然一尊宿肅如羣弟子飛瀑
沁流雲下注幽溪水迴瀾偃白虹亂石蹲蒼兕
高巖躡藤花倒影澄潭底列坐拂苔磯中有平
於几茶具一以陳茗飲雜饅餌藻暖魚鱗鱗波
涼砂齒齒捫蘿躡圓通兩厓兀相倚中透隔山
天洞壑饒靈詭泚筆厓上題姓名聊共紀人世
嘅浮蹤雪鴻差可擬回首墮塵氛有夢應來此
登華頂有門師送至銀地嶺共探佛隴遺
跡而別

鶴鳴廣林蒼雲葉明新霽僊嶠限日橫鳥路緣
厓細瑤泉瑩靈襟一上一流憩開士矯前登憑
風自凌厲層巖聞杖聲笠影在天際鏡機入織
毫稍窮蟠曲勢趺坐澹忘歸流雲出衣袂一嘯
各分岐悒悒獨含意

華頂志稱高一萬八千丈羣峯環繞如千
葉青蓮花故以華頂名

台嶽秀中頂青蓮倚叢霄垂垂吐千葉華房出
孤標層扉挂河漢丹梯礙星杓萬象騁春望百

里分秋毫鱗鱗到海嶠鱗鱗生翠濤長松扇松
櫪鬣振蒼龍驕歸雲莽相逐峭峯如動搖陰壑
互靈響天籟生清寥靈江但一勺杯水堂之坳
挾客發一笑置身自云高無乃鯛與鸞決起搶
蓬蒿寧知赤松子揮手空中遨萬里但尋尺千
秋等崇朝安得子莊子相與論逍遙

游金陵呈副京兆淇竹衛公公嘗爲東甌
守有惠政

尺璧耀昆丘良琛媚方折朱鳳覽德輝葳蕤下
丹穴神君挺梁嶧亭亭表風節托佩君子躬木
難間明月遠度披祥煙氤氳動寥泝廣聽每黜
聰玄鑒時屏咎矜名建鳴鼓他人或昭揭恬矣
至人心遺榮不居伐出處何條然中裏匪有設
太冶不得圓容色誰能悅變化布寵靈願以被
時哲神理資治平庶幾隆所缺皞世不易逢毗
佐誠可越寧知藿食心隱憂方憒憒
有滄興淒淒出自青城岑觸石合膚寸崇朝遂
成霖霖霖潤吹萬潛穎爭林林大化無私阿玄

雲亦何心我侯夙于邁建牧滄海潯下車軫民
隱敷條揚德音雲霞藹堂陞海嶠窮窺臨翰墨
炤林壑篇章蔚璆琳遺愛常在去德徃感彌深
眷言企明淑旦暮交予襟

建業定鼎地鍾山肇皇基石城竦百雉長江以
爲池太微體宮闕列象自參差秦嶺設天險周
鎬拓鴻規北控青魯野南帶巫湘圻俠窟養聲
利豪傑不易治康民在明牧我侯寔臨之崇秩
埒九列徒御何委蛇允爲百城表三輔瞻風儀
撫綏甫朞月威宣銷赭衣余也悲失職末路仍
多岐恒希子真隱匪慕梁鴻噫擊轅應風雅一
和生菴詩

甘露園詩爲何仁仲銀臺賦

茗茗邛上園鬱鬱園中堂堂前挺珍木蒼蒼自
成行上枝拂丹霄下枝塗繁霜朱草茁其陰醴
泉涌其陽甘露三降之凝液何瀼瀼上天垂潤
澤嘉瑞徵休明主人驅堅車金門侍中郎堂上
集賓客堂下陳笙簧石蘭被桂道辛夷繁葯房

朱霞結綺窗飛虹垂杏梁神飈自遠集青雲亦
飄揚文魴馳翠藻素波溢金塘采采葉間露用
以薦瑤觴主人起壽客和顏熙且康願言保明
德千秋期弗忘

長干客舍同周叔宗夜坐分生字

莊塗鞅塵軌末路多所嬰况復歲適盡懷歸軫
予情之子乘高韻神恬物自輕處順鮮有觸居
喧若無營偃仰寄一室展玩忘寢興槁梧散縹
帙風琴落虛聲欄甲景先夕墉高曦易傾幽光
代明燭寒月暖前楹焚枯命芳醕歡燕唯平生
情披語已洽壘虛時載盈寸悵得所遣冀此數
來筭

述懷詒于尚璽文若

鍾陵奠神臯芬苙暖佳氣天居鬱雲興名都洵
佳麗佳麗非我鄉孤悰感留滯皦皦朝霜繁泠
泠夕飈厲羈雌號北林玄冥布露晻總翠日萎
黃容顏與之瘁蘭火無熺光中宵澹忘寐飛夢
若有憑營魂自淫裔鬱怫興越吟羈孤類秦贅

大江日湯湯臨流莫予濟言往靈氛占筵尊豈
能筮司壘起東魯鴻騫獨高世文囿抗前旌墨
場策飛轡累遺物自輕悟超神乃詣玉樹擢菁
葱陽林汜蘭蕙吏道寡微繆真賞冥天際降分
禮幽側虛懷顧微細蒐獮極圖經清言諷芝桂
篋篠披露垂綺石拳霞藝日昃吐高音中庖勅
芬苾孤生慚詭隨廓處靡止戾天路有險夷修
塗互通蔽灑泣楊朱言迷轍從君稅

病起同程生飲馬姬新鶯館効長慶體

醉病不醉愁微酣愁病半愁病兩較之寧與麴
生斷畏殺惡少年留殘強來灌長干美清夜秦
淮月如練言尋碧玉家燈前出相見流睇動斜
光掩映白團扇黼帳隱金屏珠簾壓銀蒜瓶花
動壁衣爐香裊羅幔侍婢頗昵人短歌能自銜
美酒瀉玉壺杯上微渦轉小姑未破瓜水肌雪
爲面試舞柘枝詞輕若蓮花旋折桃傳酒卮莫
教輕落片客有高陽生罰過金谷算窮愁頓爲
開旅病吾先判明朝醒更愁再病緣誰勸

麋城道中作時客馮元成大叅鄖陽署中
出游武當山

出郭睇層阿斷山何奕奕依微草樹稀蒼涼井
烟碧沙蒸曠氣暄炎氛浩方積荆榛蔽高原荒
荒野田白俗驗民力艱歲占風壤瘠複磴極迴
旋隱見空江色靈波駭潛響歆灘擁危石雖乏
幽曠觀條然去羈勒桐林盪微颺瀏瀏濯巾幘
輟鸞息人徒繁陰翳將夕心跡澹無營中懷良
已適方將俶雲裝行矣遲烟客

黃洋田舍坐雨

朱明次鵲火暘谷熙炎光行客畏驕寒侵晨理
游裝涓涓滴清露斜漢猶縱橫玄雲起天末靈
飈自飄颺邗邗遠郊雨習習生微涼禾黍被霖
霖蒼蔚迴蒼蒼旣洽賞心遇復愁行潦妨息駕
古田舍披襟憩茅堂野老笑相勞嗒焉坐藜牀
甕牖面江麓釣石迴滄浪泉響應林竹美蔭交
園桑眷言在南晦午饑炊黃梁稚子自篋笠村
徑驅牛羊蚩蚩少機事熙熙何豫康感此媿形

役眷焉懷舊鄉

玉虛巖

中峯沐朝暎陰岡昧昏晝林露泫未收巖雲去
仍逗籃筍歷翠微繁陰浥襟袖窮源事冥搜幽
竒似相售荒塗塞荆榛往跡迷猿狖林斷窅難
緣匆通忽深透循谿信可攀冷然獲靈覲藥叢
媚清漣寒潭瀉丹溜秀木映朝暉蒼烟吐陰竇
架壑開朱扃厓傾動疑覆石罅駁霞霏空冥象
雲構灌莽扇神飈淵淵叶金奏箕坐遂忘疲清
流旨堪漱誓將躡太霞於焉采三秀

苦熱詩呈不二老禪

火正乘爐冶南箕鼓其橐朱鳥何馮陵肥蠶代
爲虐赤阪揚絳氛炎州故融爚毒霧蒸幽潭歎
煙吐藜薄咄嗟下土民日趣鼎與鑊臥簟若施
裯負絺如襲貉渴吻費噓呵薰心困焦灼寧似
滯泉鱗噉喁信沉躍靜勝豈無徵默朝良有託
睠彼功德池四寶自嚴錯行樹流祥飈空音散
樓閣我願乞醫王亟爲瘳羣瘼楊枝洒甘露蓮

花生火宅大地盡清涼熱惱恒無著

送王贊夫之金陵四首

條風扇原隰中天廓游氛澤芷含藻景澗芳亦
懷新我友肅嚴駕俶裝撰良辰薄言戾京邑涉
江辭所親容光日已遠靡由望車塵重趼始伊
邇曠褻邈何因躑躅遵大道氣結不能申幸用
慰寂菴蜚音託行雲

昔我歎行役懷歸鬱以紆及爾溷間左下流難
久居某蕘襲廣陌芝蘭化爲芻我欲營衣糧無
以自爲儲黃鵠日千里差池在斯須迴風奄自
南浮雲不獲俱孤懷獨陴側征心浩難攄

金陵寔帝宅建瓴高以臨喬雲象雙闕穹隆宵
沉沉八方輳才又冠劔何駸駸華轂接流水鶴
蓋自成陰獵纓騁雄辨雕龍吐鴻音俠游匪足
慕結志存所欽

畏路窘且迫友道日交喪感彼代木詩中情慨
以慷宿昔展親昵符若珪與璋交娛在貧賤著
簪不遺亡山川一以間何可喻中腸驩至誰爲

賞憂來誰爲忘糾纏溷濁中曾不如無生思君
亦勞止抽懷不成章

東林曉步懷王用敬時用敬久客燕中

山閣啓曙光衡門噪乾鵲初暎蕩微暄疎烟澹
長薄竹亞露未晞風定果仍落虛寂非可期神
恬自沖漠境與林水閒自覺禽魚樂飛潛各有
歸黃鵠今焉托傷哉日月適含情望寥廓

晚過滌上菴作

林臥久虛恬出游偶乘興精廬隔山阿斜光澹
來徑入門聞妙香晚色林花靚法侶無俗情玄
言自高勝荳棚茗粥涼浴罷虛廊暝散步延夕
颺烟霏拂秋磴素月生石泉垂蘿自幽暎倦就
南軒眠禪燈古堂靜一念了不生如如契真性
夜寂衆籟空寒溪度清磬

同王用敬過宿王贊夫渚浦別墅時予將
有卜鄰之約

達人辭垢氛霞騫特高蹈嶽游曠夙懷野矚敦
茲好冥覽協幽期風泉展清眺意愜物自遺神

海古堂集卷四
十五
超美爭效方舟極
洄沿殘陽信弭棹
微波寫夕颺孤雲
縱晴嶠平楚接修
垆高原歛餘照暝
結密篠陰明銜遠
山燒方欽靜者心
願翦丘中薶谷飲
企鄭真巖栖景僧
紹庶結方外游靜
覈環中妙

南臨子晉臺蒼蒼
亘層霄冥筌湮往
跡鶴駕誰能要短
景感徂運鮮華不
崇朝芳蕤冒春蕘
朱實辭秋條代謝
不恒處願稅塵外
鑣悰因晤言獲道
以玄覽超佳人況
在茲幽期遲江臯
桂楫

泛水裔柘屐凌山
椒山行擷瓊蕊水
戲搴金膏感此眷
彌甚終期謝天弔
聊申獨往意臨風
倚逍遙

通津限郭郭清曠
挹羣峯芝嶺秀北
牖笙臺列南窻蜚
遯枉梅尉行田來
謝公往蹟不可討
今懷冀能同我友
秉嘉尚養真亦墻
東深心討玄囿清
襟映寒松遠水納
素月平林延緒風
美穉蔽南晦力勤
觀歲功撫時願伊
阻覽物慨彌重川
泳羨游鯉雲飛媿
鳴鴻欣賞自夙昔
結念庶

能通永矢弗諼志冀躡求羊蹤

游岳旣嘯侶入林亦命儔禽尚非孤賞嵇阮欣
同游往者不可作興懷在千秋況我平生交音
徽結綢繆申唱有必和詒言無不訓伊余安蹇
劣適俗寡所仇豈不貴自我況茲日月適末路
有窘轍迅流泛寧舟在險詎忘戒履順亦懷憂
以此申永歎喟焉睇層丘終期援青桂欲去仍
淹留

人日同楊木父項叔慎過集雲寺訪有門

法師時法師集四衆談法華玄義午後下
座攜客列坐谿上流憩久之晚歸修淨業

作四首

開歲積繁陰游氛翳陽景茲晨暖氣達勾萌動
潛穎法侶訢相過駕言命孤艇微雪冒煙巒陰
崖猶罔罔弭棹遵陂陀逶迤陟迴嶺松光照寒
潭彌覺香林靜風廊飯僧畢梵唄一何整聆彼
迦陵音似會摩羅頂未軟阿耨泉塵心已先
南宗慧光滅智者亦云邀載見人天師十葉傳

袈裟夜半華頂日光抱赤城霞心印契三觀宗
風超永嘉爲此衆生利三具浮海槎手握蒼松
枝舌湧青蓮花寶珠示衣襪覺苑開牛車化城
建鳴鼓亡子還厥家寶筏倘相假迷津應有涯
出蘿陽已微夕光在山翠法侶協前期延幽共
流憩藉草結半跏旃林發清苾洄流瑩激潭危
石漱寒凜衆象入鏡機雲霞互溶漓冷飈叶松
篁動與法音會谿流出廣長泠泠語真諦盃飯
來衆香異舌應同味欲證匡山游竹中題半偈

鐵鳳憂層檐山風動蘿燈虛廊耿微光寒月暖
前榮釋子暫出定曳屨隨經行緬彼安養國冥
心存正靈四寶合樓閣行樹何晶熒頻伽善贊
說蓮臺超往生東林久緜邈宗雷歇芳聲遺躅
尚可嗣懷賢眷深情超然入空觀了了見虛明
白毫一以攝五濁誰能嬰

宿羅峯寺曉起登絕頂臥龍潭

精藍分夕衾羅峯振朝策層巒上無倪寒湫閔
靈宅霞蔚競秀崖凜赴垂崩石水府何宵冥陰

洞殊深黑神物偃重溟潭雲猶異色歛彼天用
神賁此淵潛德想見媚幽姿玄珠可能摘噓氣
貝宮隱截肪瑤砌直沆濯試束腓微波動清激
坐久神已凜欲去心猶惕險異伯昏游竒踐龍
威跡空谷厲長飈歸塗奄將夕

王贊夫過訪因偕往東園游矚一首

林臥昧節候閒門愜栖偃流覽有時間道書朝
未卷川晦連積陰林輝動微睨駕言甃窺臨誰
與適幽緬美人同所懷心期良以展躡步縱巾
綦芳園一行散崇蘭汎惠風華林隱涼館矯翼
鳥交交綴條花纂纂撫化慨時流鏡機嬰物淺
嘉晤一以披會心寧在遠尊醪旣前陳園鮮亦
時翦玄對意自冥微言間清辯日夕擔忘歸脩
然得所遣

東岼江閣午睡起

片雨颯橫烟行雲渡江水返照射中峯浮嵐盡
成綺臥欣枕簟涼起來聊隱几忽聞鼓柁音斷
續烟波裏

自四十九盤嶺至能仁寺

疊嶺疲攀緣逶迤歷幽緬屢憩及層巔游觀稍
忘遠磴盡嶮乍窮路仄林初轉碧澗疏寒流風
篁媚清淺紫茸蔚蒲渚芳蕤冒蘭阪深徑已夕
霏懸厓猶薄睨廻合敞精藍中峯抗高館微鍾
度遙岑游雲互舒卷列廡休人徒夕息聊栖偃
夢與幽趣通情隨物慮遣汗漫極茲游靈區詎
能限

同吳翁晉邵少文自靈巖道中至響巖

崇巘積殘雨霽氛翳玄陰爽氣協真想惠風寫
靈襟羣峭逋隱見晨曦蕩陽林合沓兩厓關路
宵青谿深巖傾響易發雲扃納虛音嘯侶應嘯
狔呼雌荅翔禽復嶂鬱衆籟廻飈薄蕭森高情
豈孤賞往跡欣同尋資此足嘉遯達生多所欽
願持乘日車冀獲靜者心一發蘇門嘯載鼓丘
中琴

同似菴禪伯尋淨名廢寺故址地有水簾
谷初月洞之勝

雙林久寂菴風泉悶靈跡
霧跡能娛人屢枉紫烟客
開士邁前征披榛理晨策
故術偃崩梁新蹊攤危石
泠泠灌木吟瀾瀾清流激
寒蕪立寶幢遺基臥瓴甌
陵緬旣以深忘疲亦云適
斷峽東長天輕霄覆青壁
崖嶠限馳輝光傾景先夕
陰洞挹飛泉激潭漱靈液
水碧信可搴瓊蕊紛堪摘
心契神已超目盡意難極
感徃結深情卽事交欣感
行當復來茲一振東林席

自響巖道中至靈峯洞

亭午命籃輦衆木陰修修
連山自暎帶靡迤趨平疇
側徑窈深入秀色相蟠紉
天虧萬峯影雲爭千澗流
欹石攫文豹神淵駭潛虬
洞腹縮壺嶺雲杪開崑丘
捫葛躡霧術罅乳風瀏瀏
天竇夜闕日金光結飛樓
瀑泉夏吹霰丹溜湧靈湫
窺臨極遐想愉悅聊淹留
至樂豈虛假冥心寧外求
雖非獨徃客言忘誰與酬
願附息陰旨將從鸞鶴游

鼎湖僊人榜

瀟古堂集卷四
三十一
籃筍遵青谿靈竒銜深入藻景媚微雲波濺嵐
光濕複嶂無定姿陰陽匪相襲浴鷺狎近玩飛
鷗送遙集新曦鏡寒潭乘空魚戢戢湏洞極蒼
蔚芊眠暖原隰絕磴宵難捫危梁企猶岌鼎湖
介層霞孤標擘霄立軒皇事莫徵金書閱靈笈
誓將謝人羣超然解維繫雲窻時可憩芝苓良
以給躡足千仞岡青天岸雲笠

陽谷洞

滄溟浴朝暎茲山已昭晰半壁抗洞宮丹楹罔
明滅烟術不可梯夔疑人世絕亂石踞龜鼉雖
立蛟龍窟逐勢架飛梁高低窮曲折瀟瀟爭注
流夤緣尚艱峻石扇敞雙扉窳窳象三闕陰竇
忽旁通芝臺復高揭明晦旣以殊涼燠居然別
下瞰千仞潭方知在寥泬倒影涵崖松游雲互
浮沒文苻唼纖儵晴沙眩金屑引目睇層阿遠
近散丘垤幽翳栖暗芳移時吐芬烈漫滅昔人
題縱橫見遺謁感徃情已深積光含暮節機淺
慮自嬰神超物可忽于役眇何期撫已慙薄劣

醉起效長慶體三首

青山同一觀靜者得其意綠酒同一酣昧者失
其味古人有知者輒爲造物忌子雲老耽杯家
貧不能致賴有好事人攜尊問竒字陶公臥柴
桑恥爲折署吏采菊向東籬白衣不時至兩者
雖得之一生亦憔悴我獨諧夙心畢願在中歲
綠酒時可揮青山日相對持觴拄頰看陶陶復
沾醉意味斟酌間冥然與心會兀兀何所爲且
就北窻睡睡起趣提壺夕陽在山翠

雲壑日相待世人殊不閒却笑林下僧不知林
外山重城曙光白輪鞅復班班終日驅車者豈
盡皆冥頑一中利名勒終老櫪與閑我幸解天
劓逃之泉石間朝隨沙鳥去暮逐沙鳥還欲語
無可會歸來聊閉關

人易爲人知此中一何淺人憾無人知此中一
何褊不如兩忘之置之了無辯興來攜一壺獨
自上層巘坐聽水潺湲行望雲舒卷超然寄曠
觀古人如在眼萬里未足遙千秋詎云遠扣石

放歌還墟煙日將晚

池上夜

涼月浸平林露葉光如瀉迴風振高柯雨聲時
墮瓦獨就南窗眠殘燈尚留炷

卿雲館詩爲程君賦

瑞雲效靈符華雲藹青漢郁郁烟非煙縵縵日
復旦偃蓋九葩映抱珥重輪煥昔紀王者祥今
表幽人見朝媚三素車夕輝九霞館舒卷本無
心怡悅送流翫詎賡虞氏篇聊咏南山祭

歸自白門哭奠季父作

饑來不遑寧茲歲苦行役來歸感凋喪茹歎達
永夕晨起具羞醑銜哀奠靈席寒燈黯虛位涼
吹颯空壁仲父向我嗥吞聲扣胸臆具言畢命
初念我久爲客危淺難久淹何繇致消息倘得
歸山岡須就大父側死者如有知足以妥孤魄
言已卽就冥咽中猶喑喑感此兩酸嘶鄰里爲
凄惻竊念在世時窮年苦逼迨私願營一飽終
當侍寢食詎令班白翁向衰事筋力何圖志念

乖遂作幽明隔舊器委空篋故履留遺跡絕慟
已無聞冥觀若有覲已矣復何言心傷語中塞

僊巖紀游

曉登僊巖寺鐘樓

層閣出雲標羣峯青壁立登茲散塵襟菁華潤
堪挹朱霞麗江臯黃花綴原隰試扣法王音一
醒大千蟄

登翠微嶺望僊姑潭

陡壁積玄鐵飛磴界蒼煙奔瀨出雷峽淙淙瀉
瑤泉嵐光晃朝日霞燁瑩激淵雲確寂無人激
輪自洄漩散步寓流賞依依愴忘言恨無同懷
客幽辭欲誰詮

遊翠微嶺至玄通洞

蒼坪一憩餘亭亭還獨上翠重墊葛巾巖虛應
筇杖霽心送流玩遙情逐前賞側身入洞門厓
扁忽高敞闔閣風泉音歌呼荅清響何當臥綠
蘿於茲謝塵想

自通玄洞至梅雨潭

人世苦煩歎仙窟饒風湍每坐火宅下輒作如
是觀今日騁吾足迅若雙飛翰去地亦何幾已
薄層雲端兩厓竝相倚幽敞開重關四削千仞
壁中圍一規天仰眎蒼蒼影皎如碧玉盤頰瞰
澄澄水瑩若青瑤環長風灑毛髮晴雪吹潺湲
幽宮極深黝玄府長清寒珍草鬱翡翠瓊柯結
琅玕山鳥不知名下飲疑神鸞靈境本非隔足
以養營魂臨風寄絕歎吾何在塵寰

從梅雨潭背登雷門尋龍鬚瀑諸勝

大羅信匆匆真源宵何窮寧知萬仞表依然碧
龍從下瞰摩雙峽隱隱雲雷宮上矚挂飛瀑沉
沉流白虹瑣細文魚聚聯絡芳蒲叢錦石眩波
駛霞紋爛丹紅珍木濺沫潤瑤華蔚青葱洗心
挹澍泚照影媿塵容山椒欲斜景淹留悵莫同
倚杖重延胆遲徊遡林風

從龍鬚瀑東行宿休糧菴

鳥路不可上忽借風雲通石橋架絕壑幽泉尚
淙淙複嶂自廻合高林轉蒙龍林盡度疎磬香

煙出禪宮法筵肅清衆心境頓爲空微月出松
杪石壇爽微風夕霏漸滋液噓吸灑氣中顧茲
清絕地寔因靈所鍾未知諸法子孰爲象與龍
吾將脫妻子洗鉢從遠公



